

ستاديا

رواية

أسماء محمد

داركتاب للنشر والتوزيع



مسئول النشر

طارق رمضان

مدير التوزيع

عمر عبد السميع

مدير العلاقات

مها عادل

الطبعة الأولى

الكتاب : ستاديا

تأليف : أسماء محمد

تصنيف الكتاب : رواية

مصمم الغلاف : مروة صلاح

إخراج : أحمد عبد الرحمن

المقاس ٢٠ × ١٤

رقم الإيداع : ٢٠٧٦٦ / ٢٠١٨

الترقيم الدولي : 3 - 30 - 6597 - 977 - 978

جميع الحقوق محفوظة

'all rights reserved . no part of this book may be reproduced '
stored in aretrieval system , or transmitted in any from or by any
means without prior permission in writing of the publisher .

ثم جميع الحقوق محفوظة لا يسمح بإعادة إصدار هذا الكتاب
أو أي جزء منه أو تخزينه في نطاق استعادة المعلومات أو نقله
بأي شكل من الأشكال ، دون إذن خطي مسبق من الناشر .

العنوان : ٧٤ تقاطع الفلكي مع محمد محمود - القاهرة - مصر

التليفون : ٠١٠٩٧٥٥٣٣٢٨

Email : darkitabone@gmail.com

كنت ومازلت أنا نفس المرأة التى تشع ضوءاً من أجل
الآخرين وتنطفئ فى داخلها .

قالتها أمل التى كانت فى أوائل الأربعينات وهى تقف
أمام النيل مغمضة عيناها رافعة رأسها إلى السماء مُحْكَمَةً
قبضتها على السور الذى يفصل بينها وبين النيل وتسمع
ضربات الموج للصخور معبراً عن الثورة التى بداخلها ثم
جاءها صوتاً من الخلف

-لأنك فى مجتمع شرقى .

فأنتفض قلبها من مكانه وألقت مسرعة فوجدته رجلاً
فى أواخر الأربعينات لم تظهر عليه علامات العجز سوى
بعض الشعر الأبيض الذى زاده جاذبية ووقار فسألته فى
حزم:

-أفندم؟!

-بقول لأنك فى مجتمع شرقى النور الى جواكى انطفى.

-وحضرتك بقى سايب كل الناس الى واقفة على
الكورنيش وجاى تسمع أنا بقول ايه وترد عليا !
أجابها فى هدوء وبسمة تعلو شفثيه :

-أنا كنت معدى بالصدفة وسمعتك وكان لازم أرد .

نظرت له وهى عاقدة حاجيها وفى داخلها تسب
وتلعن تدخل الناس فى حياة الآخرين، فأردفت :

-وحضرتك كان لازم تردليه ؟

قالتها بتهكم

-عشان اقولك سبب النور الى أنطفى .

-أه طيب وليه متقولش السبب إنى عايشة فى مجتمع
ذكورى .

-صح برضوا مش بنكر دا .

-غريبة أول مرة أشوف راجل معترف بالعنصرية فى
مجتمعنا .

هذا ما رددته أمل فى نفسها فقطاعها للمرة الثانية :

-متستغريش ما أنتوا برضوا كيدكن عظيم .

فظهرت منها ابتسامة لا إرادية ثم نظرت الى الساعة وحملت
حقيبتها ونظرت له قائلة:

-بعد إذنك .

فأفسح لها الطريق، وهى ذاهبة لمحت فى عينيه لمعة غريبة تكاد تكون مألوفة وعلى الرغم من إنها ذهبت إلى منزلها إلا إن عقلها ظل باقيا فى مكان ما على الكورنيش وعندما عادت إلى المنزل إستقبلها أولادها «زين» وكان صغيراً لم يتجاوز العاشرة من عمره وله عينين كحيلتين ووجه ابيض وشعراً بنى اللون وقد امتازوا به جميعاً و«هند» الوسطى التى كانت فى الثامنة عشر من عمرها ولها وجه بشوش وعينين واسعتين وأكبرهم «سلمى» وعمرها عشرون عاماً وهى التى أخذت من والدتها نفس العينين عسلية اللون ونفس ملامح الوجه وأيضاً الطباع وكانت تحمل فى عينها دائماً مسحة حزن، فعندما دخلت أمل إلى المنزل بدأوا جميعاً يتحدثون فى نفس الوقت ليعبروا عن مدى قلقهم عليها ولكن صمتها أسكتهم، فسألته سلمى :

-ماما انتى كويسة ؟

-أه كويسة بس تعبت أنهاردة فى الشغل وعاييزة أرتاح شوية يلا تصبحوا على خير .

وتوجهت إلى غرفتها فأستغرب أبنائها لم تكن يوماً تذهب إلى السرير دون أن يحكى لها زين عن يومه وتعرف أخبار هند وتتبادل أطراف الحديث مع سلمى ولكنهم لم يعلقوا فقط تركوها لترتاح ولكن لم يعرف النوم لعينها

طريق وظلت تتذكر اللمة في عين ذلك الغريب ونبرة
صوته المطمئنة إلى أن تسللت خيوط الصباح إلى ظلام الليل
لتكسره وهى لم تشعر بالوقت ونهض الجميع وأتجه كل
منهم في طريقه فأخذت سلمى أخيها زين إلى مدرسته أثناء
ذهابها إلى الجامعة وأتجهت هند إلى مدرستها الثانوية وأمل
إلى عملها حيث كانت تعمل كمشرفة على العمال في إحدى
الشركات فلم تكن متعلمة إنما أخذت شهادة محو الأمية
لتعيين أولادها في دراستهم، وها قد بدا يومها الروتينى
الممل الذى كانت تتوق لتنبيهه وتذهب إلى ملاذها المفضل
«الكورنيش» وفي تلك الأثناء دخل سالم وقد عرف عنه
أنه «نسوانجى»

-أزيك يا ريسة

-الحمد لله يا سالم خير؟

-كل خير ان شاء الله أنا كنت عايز استأذن حضرتك
أمشى بدرى أنهاردة

-ليه؟

-أصل أنا تعبنا شوية

- لا ألف سلامة بس مش هينفع أنهاردة عشان في ناس مهمة جاية وأنت كلها ساعتين وال **shift** بتاعك يخلص
أنهت أمل كلامها ولكن ظل سالم محققاً بها يتفحص تفاصيلها دون خجل وخاصة أنها كانت تمتلك عيان لها جمالاً خاصاً تتنافس مع الشمس في لمعتها وجسد ممشوق وفي تلك الأثناء أنتبهت أمل إلى نظرات سالم فظهر الغضب على وجهها فسأله في حدة :

- انت عايز حاجة تانى

فأجاب في تردد

- انا لا ... انا مش عايز حاجة بعد أذنك

وخرج تاركاً أمل تتمتع مع نفسها بكلمات تعبر عن غضبها من تصرفاته أنقضى الوقت بصعوبة بالغة إلى أن دقت الساعة الخامسة واتجهت كعادتها إلى الكورنيش وظلت واقفة في إنتظار صوت هذا الغريب ليمر على مسامعها مرة أخرى ويطمئنها ولكن لا تعلم لماذا تظمن بصوته ؟ وأخذت تطرده من أفكارها وتذكر أفعال سالم ومدى وقاحته إلى أن جاء من تنتظره.

-معلش أتاخرت عليكى بس الدنيا كانت زحمة أوى
أنهارة

فنظرت له نظرت إستغراب وتصنعت اللامبالاة
وأشاحت بنظرها إلى النيل وهى تتحدث
-ومين قال إنى مستنيك أنا باجى هنا كل يوم
لاحت البسمة على شفثيه:

-بس انهارة كنت مستنيانى
-أنتم الرجالة خيالكم واسع فأحب ألفت أنتباهك أنا
مش صغيرين لدماعك تروح كدا ولا كدا
-ومين قال حاجة وحشة لسمح الله انا بقول إنك
محتاجة صديق يسمعك ويشيل معاكى
لم تتفوه بكلمة ولأول مرة رجل لا يسئ الظن بامرأة بل
ويفهمها دون أن تتكلم ثم أخذت تفكر ربما هى حيلة من
حيل الرجال ورددت فى نفسها :

«ياما فى الجراب يا حاوى»

فقاطعها كالعادة

-روحتى فين ؟

-موجودة بس شكرياً أنا مش محتاجة حاجة من حد
وبعدين في مجتمعنا مفيش صداقة بين راجل وست مهما
كان سنهم

قالتها بسخرية

وهي بداخلها تتمنى لو تستطيع أن تتمسك بتلك
الصداقة التي تحتاجها بشدة

-بتقولى كلام مش مقتنعة بيه على العموم انا أسف
همشى ومش هضايقتك تانى بس لو احتجتى تتكلمى
قولى «جزر» وانا هاجى جرى

قالها ضاحكاً ورحل وعادت هي إلى منزلها محاولة أن تنسى
هذا الغريب ولكن هيهات لهذا العقل العنيد الذى يأبى
إخراجه فألقت نفسها مع أطفالها الذين مهما كبروا سوف
يظلون أطفال في نظرها لقد رأتهم يكبرون يدرسون ينجحون
ويضحكون أمامها تابعتهم بحنية الأم وحزم الأب وكانت دائماً
الحائل بينهم وبين مصاعب الحياة ولم يشاركها في ذلك أحداً
وعندما جاء من يشاركها رفضت خوفاً من عادات المجتمع،
مرت عدة أيام ولم يظهر ذلك الغريب وكأن التاريخ يعيد نفسه
ومهما حاولت إبعاده عن فكرها ذهبت محاولاتها سدى وعندما
ذهبت إلى العمل وجدت سالم بضحكته المعهودة أمامها:

-والله يا ريسة انتى خسارة فى الشغل دا بتضيعى عمرك
وجمالك على الفاضى فى المكان الغلط واحدة مكانك كان
زمانها برنسيصة

لم تفهم أمل ما يرمى إليه سالم وقالت:

-سالم انا مش فضيالك لو عايز حاجة قولها انا مشغولة

-انتى صعبانة عليا بس ..يعنى مش بتبصى لنفسك فى المراية

-إتكلم دوغرى يا سالم انا مبحبش اللف والدوران

-مفكرتيش تشتغلى حاجة تانية ترفعك من المستوى

الى انتى فيه قصدى حضرتك

-وإيه بقى الشغلانة الى هترفع مستوايا يا أبو العريف

-شغلى دماغك معايا يا ريسة يعنى ست وجميلة

إستخدمى أسلحتك

فقاطعته بحددة شديدة :

-انت مش محترم وقليل الأدب انا كنت عارفة من

الأول أنك مش تمام بس مكنتش أتخيل أنك كدا اطلع

برا حالا وسلم عهدتك ومش عايزة أشوف وشك هنا

تانى لحسن ودينى أفضحك

-خلاص خلاص متزوقيش انتى حرة

وبالفعل عملت على فصله ولكن الثورة بداخلها لم تهدأ
برغم إحترامها وأخلاقها التى عرفت بهم إلا أنها تعرضت
لهذا الموقف السخيف لمجرد إنها امرأة وحيدة وأخذت
توبخ نفسها كيف لم تعرف إن عمله الأصيل «قواد» وكان
متخفى كعامل حتى يستطيع أن يستدرج النساء اللاتى
ليس لهن أحد ويستغل سوء أحوالهم المادية وعلمت إنه
عرض هذا العرض على العديد من العاملات منهم من
إستجاب ومنهم من رفض وترك العمل من الأساس فلم
تشعر بنفسها إلا وهى تتجه إلى الكورنيز تبث بين المارة
عنه ذلك المجهول لقد حان الوقت ليشاركها أحد متاعبها
وهومها ولكنها لم تجده ففاضت دموعها محاولة إطفاء
نيران قد إشتعلت منذ سنين ومر الوقت سريعاً وإنجلي
ضوء النهار وجاء الليل وتذكرت كلماته «لو أحتجتى
تتكلمى قولى جزر» فأغمضت عينيها وقالت بصوتٍ خافتاً

جزر : إيه اللى انا بعمله دا.... انا اتجننت ولا إيه

ولكن بالفعل وجدته أمامها فشعرت بصدمة :

-انت إزاي عرفت ... يعنى انت سمعتنى ... بس انا

أتكلمت بصوت واطى

-أهدى بس ..مش انا قولتلك قولى جزر هجيلك

-لا معلش عرفت إزاي بجد

-بصراحة أنا كل يوم كنت بشوفك من بعيد بس إنهاردة
شوفت إنك مضايقة وحسيت إنك محتجاني أقصد محتاجة
تتكلمى

-فعلاً انت عندك حق

-خلاص نبدأ من الأول: انا خالد

فأبتسمت:

-وأنا أمل

-عاشت الأسامى ها أحكيلى مالك بقى ؟

فبدأت تسرد له ما حدث بينها وبين سالم وكيف أراد أن
يستغلها لمجرد أنه يعلم أنها مطلقة، وترعى أطفالها

فبادرها بطلبه

-أقولك أحكيلى أول حاجة حصلت زعلتك يعنى من
ساعت ما كتى صغيرة

-ياااه على كدا هحكى كتير اوى

- وإيه يعنى انتى وراكى حاجة انا عن نفسى مش ورايا
حاجة

شعرت بالتردد فى البداية ولاحظ هو ذلك فى عينيها
فنظر لها نظرة ممزوجة بلطف ورجاء قائلاً:

- متقلقيش جريبنى مش هتندمى أوعدك هكون
صديقك الصدوق

فأبتسمت ونظرت إلى ساعتها :

- ماشى أما نشوف بس مش أنهاردة الوقت أتأخر
وشكلها هتمطر

- طيب فى كافيه قريب من هنا لو تحبى نقعد فيه عشان
الجو وكدا

- ماشى موافقة

فلطالما أرادت أن تدخل إليه ولكنها أرادت من يشجعها

- خلاص ستة بالدقيقة هكون مستنيكى .. تعالى بقى
أوريكى الكافيه و اركبك العربية بعدها

هزت رأسها بالموافقة فكان شعور أن يكون أحداً مسئولاً
عنها لم تشعر به منذ زمن طويل وعادت إلى المنزل وهى

متشوقة لسطوع الشمس معلنة عن بدء يوماً جديداً، فكان
الصبر قد أعلن نفاذه ولا بد أن تطلق العنان الآن .
«فإذا أردت أن تكسب قلب امرأة عليك بالاهتمام وكن
صديقاً قبل أن تكون حبيباً ورجلاً لا ذكراً»

طفولة ولكن

بدأ اليوم بفرحة كفرحة طفل بملابس العيد وجلست
أمل تتناول الافطار مع أولادها ببسمة لم تظهر منذ مدة
وعندما وصلت إلى العمل ظلت تتابع الوقت ترجوه أن يمر
وما أنتهى الدوام حتى اتجهت إلى المقهى مسرعة فوجدت
خالد جالسا في انتظارها

-مستنى بقالك كثير؟ .. قالت امل

-لا انتى جاية فى ميعادك انا الى جاى بدرى شوية

-اممم طيب ايه الاخبار؟

-بخير الحمد لله وانتى؟

-الحمد لله كويسة

-ها تشربى ايه؟ ولا اقولك تسمحيلى انا اطلب

-اتفضل

-لو سمحت اتنين قهوة مضبوط

-عرفت منين انى بحب القهوة ومضبوط

قالتها بإستغراب:

-خمنت وشكل تخمينى طلع صح... المهم احكى يلا

زى ما اتفقنا

-مش عارفة ابدأ منين بس اسمع يا سيدى أنا كنت

الصغيرة فى البنات عندى أختى (هدى) أكبر منى وولدين

اصغر منى (أحمد-محمد)يمكن لو كانوا أكبر كان الموضوع

فرق المهم والدى توفى وأنا عندى ست سنين تقريبا

تنهدت ثم أردفت :

-عمرى ما هقدر انسى اليوم دا

وفى لحظة عاد بها الزمن إلى الوراء طفلة لاتتعدى الست

سنوات جالسة وحولها سيدات لا تعرفهن يلبسن السواد

ووالدتها تبكى وتنوح وهى جالسة القرفصاء فى ركن جانبى

تحاول أن تتفادى أصواتهن، لم تكن تعرف ما يعنى أن يتركها

هذا الأب الحنون ويرحل بلا عودة لم تعلم أنه لن يأت كل

يوم من عمله حاملاً لها الحلوى ويستمتع لأغاني «الست»

كما كان يطلق عليها وبين ذراعيه طفلة التى سماها أمل

تيمناً بأغنية أمل حياتى لم تستعب فقدانها لتلك الأشياء دفعة واحدة فى هذا السن الصغير وبمرور الوقت عرفت معنى ما فقدته عندما تركتهم

والدتهم وذهبت للعمل وكانت هدى فى ذلك الوقت عمرها أربعة عشر عاماً ولها جمالاً أخاذاً، فشرعها الذهبى وبياضها جعل الأنظار تتجه إليها وقررت امها ان تزوجها رجل فى الثلاثينات حتى تتخلص من عبئها وفى تلك الأثناء كانت أمل فى الثامنة من عمرها وأصبحت هى الام لأخواتها الصغار واعتنت بهم جيداً بعد أن سافرت سعاد (الأم) مع الأسرة التى كانت تعمل لديهم وتركت صغارها فى منزل حوائطه صماء، باردة، باهتة ألوانها لفراق الأجنة وبعد أيام شق الجوع طريقه إلى بطونهم بعد أن نفذ الطعام بالمنزل وجمعت أمل إخوتها ببراءة الأطفال وخرجت إلى الشارع تبحث عن أمها فلم يكن هناك أحداً يسأل عنهم الى أن رأتهم جارتهم أم احمد ودعتهم للمكوث عندها فليس لديها أحد، هى وزوجها بعد سفر ابنها وبالفعل أخذتهم واعتنت بهم جيداً وأحضرت لهم ما لذ وطاب وجعلت لهم غرفتهم الخاصة ليرتاحوا بها واعتقدت أمل أن أيام الشقاء قد ولّت فكانت لاتدرى ما يخبئه القدر لهم فقد عادت سعاد تبحث عنهم وأخذتهم ولم تشفع لهم توسلاتهم حتى تجعل سعاد تركهم عند جارتها

فرضخوا لأمر القدر دون اعتراض، كانت هذه المشاهد تُعاد
في مخيلة أمل وكأنها انتهت منذ دقائق مما جعل الدموع تتحجر
في عينيها كلؤلؤ على وشك الانفراط من عقده، فأعادها من
تلك الذكريات جرس الهاتف فإذا بسلمى تتصل لتطمئن
عليها لأنها تأخرت

-اسفة يا خالد لازم امشى سرقنا الوقت والعيال قلقوا
عليا

-ربنا يخليكى ليهم بجد اتبسط اوى انك فتحتيل قلبك
-ونكدت عليك

-لا خالص وبعدين انا الى اقرر اتبسط ولا لاء يلا بقى
عشان اوصلك

انتهى اليوم الأول وشعرت أمل براحة كبيرة لمشاركتها
تلك الذكريات مع أحد لم تعرف أكان هذا خطأ ام صواب
لكن شعورها بالراحة يكفى لمجيئها في اليوم التالى ولكن
سؤالاً واحداً كان يشغل فكرها لماذا هو بالأخص الذى
ارتاحت معه بالرغم من أنها لم تعرفه، وهى فى طريقها
عائدة إلى المنزل حملت معها بعض الحلوى والتسالى لإقامة
سهرتهم المسائية المعتادة ليلة الجمعة أمام المسرحيات فبعد
العشاء جاءوا بالأغطية وجلسوا على الأريكة أمام التلفاز

وحاولت سلمى جذب إنتباه أمل لتخبرها أنها تريد التحدث معها فلاحظتها أمل وقالت لها بصوت أشبه بالهمس:

-عايزة تقولى حاجة

فأومأت سلمى برأسها، نهضت أمل واتجهت إلى غرفتها وتبعتها سلمى وخلفهم زين الذى لم يلاحظوا تركيزه معهم

-انتوا رايحين فين؟

-هنيجب حاجة وهنيجي انت عايز حاجة؟

قالتها أمل

-لا انا مش عايز حاجة...بس انتوا هتجيبوا ايه

-ملكش دعوى روح اتفرج على المسرحية

-شايفة يا ماما بتكلم ابنك حبيبك ازاي

فابتسمت له أمل :

-طيب روح وانا هاجى اقولك جنبنا ايه

-بتوزع يعنى ماشى ..ماشى بس هعرف بردوا

قالها بشقاوته المعتادة وخرج من الغرفة فالتفت أمل إلى سلمى لتبدأ حديثها ولكنها لم تعرف كيف تبدأ فلم يكن صعباً على أم لتتبه بما تمر به ابنتها واستطاعت إحوائها

بحنانها وجعلتها تتحدث فأخبرتها بأن هناك شاب يدعى «آدم» وهو معيد لديها في الكلية ويبلغ أربعة وعشرون عاماً وتحدث معها عدة مرات والآن يريد أن يتقدم لخطبتها، تلقت امل الخبر في فرحة عارمة واحتضنت سلمى بشدة، لقد حان الوقت لتبتعد عنها صديقتها الوحيدة وابنتها الأولى التي جاءت بعد عناء فكانت تحمل مشاعر متضاربة بين فرحة وحزن وخوف من مرور الوقت بهذه السرعة فإذ بزین يطرق الباب ويدخل :

-بتضحكوا ليه ابسطونا معاكوا...صح يا هند مش انتى عايزة تبسطى

-ملكش دعوى بهند انا عارفة كل حاجة

-ايه دا يعنى انا كيس الجوافة

فضحك الجميع

-تعالى يا زين انا هقولك

-قوليلي يا ماما يا حبيبتى

-سلمى هتتجوز

-اديني عرفت حصل حاجة...لاء ما كان من الاول

-طب مفيش مبروك

-لما نشوفه الاول مش يمكن ميعجبينش

قالها متصنعاً الكبير

شردت العقول التى لا تتوقف عن العمل ففكرت سلمى
أن فى تلك اللحظة يساند الأباء بناتهم ولكن أين ذلك الاب
الذى تركهم؟ وشعرت كم أن «يُتم الحياة أكثر وجعاً من يُتم
المات» فكلما احتاجت له ولم تجده ماتت فى داخلها ألف مرة،
وفى اليوم التالى أخبرت أمل أخوتها عن تلك الفرحة المنتظرة
وقضت الوقت منشغلة مع أبنائها فى تجهيز الطعام واللعب
وغيره إلى أن جاء اليوم التالى فالأمس كان لأطفالها أما اليوم
فلها هى وبعد العمل جاء الوقت المحبب إلى قلبها وكالعادة
وجدت خالد ينتظرها وعلى وجهه ابتسامة :

-اهلا اهلا بالناس المتأخرة

-اسفة بجد على التأخير كان عندى شغل كثير انهاردة
وحاجات فى البيت

-ربنا يعينك ممكن اعرف الحاجات الى شغلتك عنى
دى ولا لاء

-طبعاً هحكى لمن غيرك يعنى

-ايه دا انا طلعت مهم بقى بس كدا هتغر

فابتسمت ثم استأنفت كلامها:

-بتنى سلمى جايلها عريس يوم الجمعة الجاية

-بجد...الف مبروك عقبال هند وزين

-يارب وعقبال ولادك يارب صحيح انت مقولتليش
عندك كام عيل واسمهم ايه

صمت قليلاً فى توتر وعيناه تتجول فى المكان ثم كسر
الصمت

-أصل انا معنديش ولاد مراتى ماتت من زمان ومتجوزتش
بعدها.

-انا اسفة الله يرحمها

فقاطعها متصنعاً البهجة:

-خلاص احنا هنفضل نتكلم عنى طول القعدة قوليلى
بقى قررتى تعمل ايه

-فى ايه ؟

-سلمى مش هتقولى لباباها

تغير وجه أمل من الغضب وتخلل صوتها العصبية

- اقوله ايه واحد رمى عياله صغيرين وميعرفش عنهم
حاجة لحد دلوقتى ولاحتى يعرف كل واحد فيهم عنده كام
سنة هما عياله بس بالاسم مش اكر.

- طيب اهدى بس احنا بتتناقش مش اكر.... فكرى
شوية افرض سلمى عيزاه يكون موجود

- لا انا عيالى مكتفين بيا ومش محتاجين حد تانى

- طول عمر ك مكتيش انانية معاهم متبقيش كدا دلوقتى
حتى لو من غير قصد انتى بس اسألها مش هتندمى صدقيني
صمتت قليلا ثم اردفت

- لاء بس انا عارفة رأيها

- انا معاكى بس من رأيى تسمعيها الاول وانتى حرة طبعاً
أومأت برأسها موافقة وركزت بنظرها على كوب القهوة
وأخذت تفكر هل من الممكن أن تطلب منها سلمى أن
يحضر والدها وتنسى كل ما فعلته من أجلهم فى لحظة واحدة
فقاطعها خالد كعادته ولكن هذه المرة أصابته الدهشة:

- لا هى اكيد عارفة أن دا هيضايقك فمتبينيش انك
هتضايقى وثقى فيها هى مش هتخذلك

- وانت عرفت منين انى بفكر كدا انا متكلمتش اصلاً

صمت قليلا ثم قال:

- ما اكيد كنتى بتفكرى فى اللى بتتكلم فيه وانها ممكن
تطلب ان باباها يجى ما احنا كنا لسة بتتكلم انتى فقدتى
الذاكرة ولا ايه

- معاك حق انا بقيت حاسة انى تايهة.. خلاص انا
هسيبها تقرر.

وفى تلك الأثناء كانت سلمى جالسة فى غرفتها تتذكر
آخر مرة تحدثت فيها مع والدها فكانت آنذاك فى الصف
الثالث الاعدادى حيث استطاعت بصعوبة الحصول على
رقمه فأرادت أن تسمع صوت والدها الذى طالما اشتاقت
إليه ولم تسمعه منذ زمن بعيد وقفت أمام المراة وقلبها يدق
بشدة يكاد يخرج من صدرها وكأنها تجهز لأداء امتحان
وأول ما طرق صوته مسامعها تركت للدموع عنانها .

- ايوه يا بابا ازيك انا سلمى

- ازيك يا سلمى عاملة ايه يا حبيبتى وحشانى واخواتك
عاملين ايه

- الحمد لله كلنا كويسين انت عامل ايه

-كويس الحمد، هو انتى جبتى رقمى منين؟

-جبتہ من عمى زعلت

-لا خالص انا مبسوط

-بابا انت وحشتنى اوى وعازية اشوفك

-يا سلام بس كدا حاضر هشوف يوم فاضى عشان
عندى ضغط شغل الايام دى

فأصبح من المفترض أن تنتظر حتى تقابل والدها كأي
شخص غريب ولكنها لم تعلق فقط وافقت وأنت المكاملة،
وهو لم يعاود مكالمتها مرة أخرى كما وعداها فأتصلت هي
لأنها لم تفقد الأمل بعد في وصل الود بينهم

-بابا ازيك متصلتش فقولت اتصل انا اطمئن عليك

-انا الحمد لله كويس معلش كنت مشغول الفترة اللى
فاتت واخوكى كان تعبان شوية

فشعرت هذه المرة بفتور في حديثه

-ايه دا انا عندى اخ ؟

-اه سيف

-ربنا يخليهولك الف سلامة عليه

-طب ابعثلى صورة اشوفه

واخذت الغيرة تأكل فى قلبها على والدها كأى طفل يريد
أن يحصل على محبة والديه واهتمامهم وخاصة إذا كانت فتاة
فتكون الغيرة مضاعفة

-هبعثلك صورته حاضر

فقاطعهم صوت زوجته

-وانت تبعتلهم صورته ليه هما ما لهم وماله

-هى مين دى وبتكلم كدا ليه وانا هعمل ايه بالصورة
اخويا وبطلب اشوفه عادى يعنى

-معلش يا سلمى دى مامته هى متعصبة شوية بس
هحاول ابعثلك الصورة

-هتحاول ؟!

فسمعتها مرة اخرى

-ولا هتحاول ولا مش هتحاول انا مش عيزاه يعرفهم ..
هما ايه الى فكرهم بيك اصلا

-ومين قال اننا نسيناك اصلا انت الى بعدت وانا دورت
على رقمك وجبته عشان اقرب وبعدين يا بابا انت سامع هي
بتقول ايه وساکت وهي بتدخل بينا اصلا ليه

-في بنت محترمة تقول لابوها انت !

-يعنى هو دا الى فرق معاك ولا بتغير الموضوع

-خلاص يا سلمى هي في مقام امك

-لا انا محدش في مقام امي

-عيب كدا اتأدبي في كلامك معايا

-انا مؤدبة بس انت الى سمحتلها تدخل ما بينا

-ولا هيتكلم عشان عارف ان امك الى مسلطاكي عشان
تكلميه وان لولا مصلحتكم مكونتيش كلمتيه وتلاقيها هي
الى بتنقلك الكلام

-متجيبيش سيرة امي على لسانك واوعى تنسى ان هو
ابويا يعنى انتى الى سرقيته مننا انتى فاهمة وكويس انه
فاتح المايك عشان افهمك حقيقتك

-أما انتى بت مش مؤدبة ..صحيح تربية ست

-شايف بتقول ايه وانت بردوا ساكت

-هى مغلطتش ما انتى تربية ست فعلا ومعروف يعنى
ان ست مينفعش تربى لوحدها

-على فكرة بقى انا متربية تربية احسن من تربية مليون
راجل واحسن من تربيتها هى شخصيا وقبل ما تتكلم اعرف
انى ملقتش اب يربىنى ومش زعلانة

-انتى فعلا قليلة الادب ازاي تتكلمى كدا

-زعلت انى قولت الحقيقة على العموم انا اسفة بس
مش عشان اتكلمت كدا انا اسفة انى اتصلت اصلا

-اسفة انك اتصلتى! .. بصى يا بنتى اعتبر من انهارده ان
ابوكى مات

-حاضر كان لازم اعتبر كدا من زمان من ساعت ما
سييتنا وقررت متسألش بس هتقول ايه للأسف عمرى ما
كنت فقدت الامل بحبنا لك ولا حبك لينا

وانتهت المكالمة بعد أن شقت فى قلبها جروح لا تلتئم
وزرع والدها فى ذلك القلب الذى انشق نصفين الكراهية لم
تتوقع ما فعله وكيف تنازل عن كونه أباهم وفضل عليها
زوجته التى جعلته يعرف كيف يتخلى عن أطفاله الذى
كان يجب أن يكون سندهم فى الصغر ليكونوا سندهم فى الكبر
كيف تصرف أب بتلك الطريقة مع أبناءه، فعندما انفصل

الآباء والأمهات يشوروا ويتنازعوا لرؤية أبنائهم ويشور
لأجلهم المجتمع وماذا عن هؤلاء الأطفال الذى لم يتحرك
لنصرتهم ساكنا؟

عادت سلمى من ذكرياتها والدموع تغرق وجهها
وقررت ألا يكون والدها حاضراً الآن أو فيما بعد .

حان الوقت لتكمل أمل طفولتها التى أوصلتها حد
الشيخوخة المبكرة عادت هى وإخوتها إلى حياتهم المعتمدة
والتي لم يكن لها ملامح تدل على المستقبل ولم تعلم أمل ما
فى انتظارها وفى صباح يوماً ما أخذت سعاد قرارها ونادت
على أمل

-تعالى يا أمل البسى عشان خارجين

-بجد يا ماما هنتفسح يعنى

قالتها براءة الاطفال

-اه

-انا بحبك اوى يا ماما

وقامت بإحتضانها لم تكن تلك البراءة كافية لتجعل
قلب سعاد يلين وتعود عما تفكر به فقامت بشراء الحلوى

لأمل حتى لا تتبهِ إلى الطريق إلى أن وصلت إلى منزل فاخر، ألوانه زاهية وأثاثه راقى وسيدة تقف أمام الباب تستقبلهم وجدت أمل هذا المنزل ليس مختلفاً كثيراً عن منزلهم من حيث الجدار الباردة التي ليس بها حياة وبعد فترة من الحديث طلبت سيدة المنزل وتدعى «بوسى» من أمل أن تحضر كوب ماء وأشارت لها على المطبخ وعندما عادت أمل حاملة بيدها كوب الماء لم تجد سعاد في مكانها فتملك الخوف من قلبها

-هى..هى ماما فين؟

-راحت تجيب حاجة وجاية..بصى بقى انا اسمى مدام بوسى وانتى هتساعدينى فى شغل البيت وهتقعدى معايا لحد ما سعاد تيجى تاخذك.

فلم تستعب أمل ما تقوله تلك السيدة فقط تتذكر إخوتها والمدرسة والدموع تتساقط من عينيها كالطر والآن عرفت سبب حنية والدتها الزائدة على غير المعتاد وأخذت تتحدث بصدمة

-انا شاطرة فى المدرسة والابلة بتحبنى وقالتلى انى هطلع دكتورة هى قالتلى كدا... معلى خلىنى اروح عشان كمان اخواتى وحشونى اوى وقولى لماما انى مش هضايقها

تانى ومش هروح عند حد ومش عايضة اكل بس روحينى
ربتت بوسى على كتفها:

-متخافيش هنا احسن ليكى اسمعى كلامى وخليكى
شاطرة عشان احبك

فكلما تقبلت وضعاً صفعها القدر مرة اخرى،مرت أيام
ولم تأت سعاد فعلمت أمل أنها لن تستطيع التخلص من هذا
الوضع وأثناء بكائها ذات مرة سمعت آذان الفجر فتوضأت
كما تعلمت فى المدرسة وقامت للصلاة وعندما ركعت همست
فى باطن الأرض ليسمعها من فى السماء

-يارب انا امل ..مش عارفة اقول ايه... فى الاول يارب
بابا سابنى لوحدى وراح عندك ودلوقتى ماما جابتنى عند
ناس معرفهمش ومدام بوسى بتخلينى اغسل اطباق وامسح
البيت واغسل الهدوم وانا تعبت ..حتى يارب ايديا اتعورت
..واخواتى يارب وحشونى اوى نفسى اشوفهم انا خايفة
يارب متسينيش لوحدى وخلينى اروح بيتنا .

وأنت صلاتها ونامت فى مكانها عندما شعرت بالسكينة
والهدوء بعد أن تمكن البرد من قلبها، وقد حان الوقت
لانها تلك الطفولة أمام منعطفات الحياة واستمرت أمل
على هذا الوضع الجديد ومرت أشهر عديدة وفى كل مرة

تأتي سعاد لتأخذ راتب أمل الشهري ولم تكن ترى ابتها لتطمئن عليها أو تراها لمجرد الرؤيا وتمت أمل العاشرة من عمرها وهي تعمل في هذا البيت إلى أن طلبت أن ترى أمها بعد وقت طويل في هذا السجن الذي اعتقدت أنه سوف يكون أبدي فسمحت لها بوسى بعد أن شعرت بطول المدة التي ابتعدت فيها عن أمها وأقنعت سعاد أن تلك المدة كافية ويجب أن تراها وعندما جاءت استقبلتها أمل بالأحضان برغم كل ما فعلته معها فهي أولاً وأخيراً والدتها وطلبت منها أن تأخذها لترى إخوتها وتعيدها مرة أخرى وبعد محاولات إقناع طويلة جف لها الحلق وافقت سعاد وشعرت أمل بذلك أن الله اعطاها حريتها مرة أخرى وبالفعل أخذت سعاد الأذن من بوسى مع وعدا بإعادة أمل بعد فترة وجيزة لا تتعدى الأسبوع وعندما عادت إلى المنزل ضمت إخوتها بشدة وظلت تتأمل في المنزل ترى أماكن لعبها مع إخوتها وتذكر والدها وفي ذلك الوقت قررت ألا تعود مرة أخرى لهذا السجن وأقنعت سعاد أنها سوف تأتي لها بالمزيد من المال إن لم تعيدها إلى منزل بوسى وإن لم تفعل ستعود بنفسها وبالفعل وافقت سعاد ووجدت أمل مصنع للصفيح عملت به تلك الفتاة ذات العشر سنوات تجاهد جهاد الرجال وتصارع من أجل البقاء وبعد أن استمرت في هذا المصنع فترة أصيبت إصابة عمل

فعادت إلى المنزل وجهها يكسيه اللون الاحمر من ارتفاع
حراراتها ويدها متفخخة إثر الجرح تبحث عن الرعاية التى
لم ولن تجدها .

-ايه دا انتى راجعة بدرى ليه؟

قالتها سعاد بوجه غاضب:

-اصل ايديا اتفتحت من الصفيح وبيقولولى عايزة غرز

-يادى النيلة يعنى هتقعدى من الشغل

«نعم إنها نبع الحنان يا سادة»

-لحد ما اخف بس وهنزل تانى متخفيش

-روحى شوفيلك اى علاج تاخديه .. ادى اخرتها يا ريتنى
ما سمعت كلامك

-طب انا جعانة

-مفيش اكل فى البيت هو فى فلوس

فصعدت أمل منكسرة يؤلمها قلبها أكثر من يدها إلى
جارتهم أم أحمد التى تلهفت عليها وداوت جرحها وبعد أن
تماثلت يدها للشفاء عادت لتعمل مرة اخرى فى إحدى ورش
الدرب الأحمر وسط الرجال كواحد منهم واستمرت به لمدة

ثلاث سنوات بين لحظات يأس و لحظات رضا إلى أن تعرفت على صباح ومن خلال حديثها معها عرفت انها لم تكن احسن منها حالاً.

-وانتى فين ابوكى يا امل ؟

-الله يرحمه

-عقبال ابويا يارب

-حرام عليكى يا شيخه ليه بتقولى كدا

-لا حرام ولا حلال هو دا يعرف حاجة عن الحرام كل يوم ذل وضرب عارفة يا بت بيجمعنا كدا زى الغنم بأمى ويضربنا بالأمشة

-وامك مش بتتكلم ليه

-هو مفترى وانا امى لا بتصد ولا بترد هو من الاخر بيقى عايز فلوس عشان كيفه ومقشطنا اول بأول منه لله البعيد امتى بقى التجوز واخلص منه

-على رأيك ربنا يرحمنا منهم

وبعد صداقة دامت سنتين قام أبو صباح ببيع ابنته لراجل كبير من أجل المال ولم تعرف عنها أمل شئ منذ ذلك الوقت، وعادت لوحدها مرة اخرى عندما تزوجت صباح التى كانت

تهون عليها الوقت وتشجعها على الصبر ولم تستطع أن تكمل في هذا العمل بمفرضها وتركته بعد مرور سنة وظلت تتنقل في الأعمال حتى تأتي بالمال فلا تبيعها سعاد هي الأخرى وعرفت معنى ما كانت تقصده بوسى عندما أخبرتها أن إقامتها في منزلها أفضل من العودة لسعاد، وبات الفرق واضحاً في معاملة سعاد لأبنائها الصبيان التي كانت تفضلهم على أمل وتطعمهم وتترك لها الفتات كأنها ليست امرأة مثلاً، ورثت سعاد تلك العادات الخاطئة دون أن تفكر وظل الحال هكذا حتى تجاوزت أمل تلك المرحلة من عمرها ورغم صعوبتها إلا أنها تعلمت معنى المسؤولية في وقت يتعلم فيه الأطفال كيف يلعبون ويضحكون من قلبهم .

«سلاماً على طفولة انتهكتها أخطاء البشر»

على شاكلى

انقضت مرحلة لتبدأ أخرى تطوى فى صفحاتها قدراً لا تعلم عنه أمل شيئاً إلا أنها سوف تعيشه لم تكن لتختلف تلك المرحلة عما قبلها لولا تدخل ذلك الفارس الذى كانت تحلم به على حصانه الأبيض ولكن ما فى الروايات يبقى فى الروايات، فى تلك المرحلة عاشت أمل حياة أكثر تحرراً من قيود سعاد وبها أيضاً تغيرت تضاريسها الجسدية لتظهر أنوثتها التى لفتت أنظار من حولها، فلم تكن يوماً فتاة مدللة إلا أن بريق عينيها لم ينطفئ فكانت اسماً على مسمى (أمل) كان لها شعراً ذهبى اللون وعيناها سهاما تخترق القلوب بها كل معانى الحياة والشقاوة والمرح وما أن وقفت بين الرجال ظنوا أنها واحداً منهم، تلقت الكثير من عروض الزواج ولكنها لم توافق على أى منهم أرادت فقط من يرضخ له القلب والعقل معاً وما كان لهذا القلب العنيد أن يرضخ وإن تقبل العقل، لم يكن ليقبل إلا من يدق لأجله، كان من شيامها القوة حتى وإن كانت تتصنعها أحياناً، وكانت الحياة لها خير معلماً .

وكعادتها وهى متجهة لعملها تتوقف لتبتاع شريط كاست
فكانت ايضاً تتمتع بأذن موسيقية ورثتها عن والدها .

-يا صباح الورد

-صباح الخير ازيك يا صابر

-الحمد لله بخير طول مابشوف طللك البهية

-أسطوانة كل يوم مش هتغيرها المهم جهزتلى اللى
طلبتك منك

تتحدث وهى تقلب الشرائط ولا تنظر اليه

-اه طبعاً انا اقدر مجهزهاش

فقاطعهم ذلك الأسمر طويل القامة عريض المنكبين ذو
العينين الكحيلية بنية اللون، يمد يده طالباً فكة عشرون
جنيه

-معاك فكة لو سمحت ؟

-لامش معايا يا أستاذ والله

-استنى انا معايا

قالتها أمل

فأخذ منها المال ورحل لم يلتفت إليها حتى إنه لم يشكرها
فشعرت بالضيق بسبب تجاهله لها فأخذت أغراضها ورحلت،
وقامت بلوم نفسها على تدخلها وإعطاء ذلك المتكبر الفكة
هكذا وصفته ومرت عدة أيام فإذا به يقف أمامها مرتدى
بذلته العسكرية ويشكرها عن ذلك اليوم وهى تنظر له لا
تستوعب ما يحدث .

-انا بعذرلك انى اتأخرت فى شكرى ليكى بس كنت
متأخر وحضرة الطابط كان مستننى وميرضيكيش اتأذى
ولا إيه

ردت وعيناها متعلقة بعينه:

-لا لا ولا يهكم حصل خير على العموم العفو

-طيب تحبى اوصلك ؟

-نعم؟

-انا قدامى لسة شوية وقت لو تحبى أوصلك كتعبير
عن شكرى ليكى

-لا متشكرة شكرك وصل

-ماشى بعد أذنك

-أفضل

وعادة لمحادثة نفسها مرة اخرى:

-ليه ليه يا فقر تقويله لاء أهه مشى أنتى تطولى يا
خايبة كسفتيه ياختى أهه ولا هيعةبرك تانى دا أقل واجب .

فجائها صوتاً من الخلف:

-علي

فألتفت بسرعة:

-نسيت أقولك أسمى علي

فأبتسمت ثم أردفت:

-عاشت الأسامى وانا أمل

-أسمك جميل لايق عليكى

قالها وغادر وظلت تتبعه هى بعينها إلى أن أفرعها
صوت صابر وهو غاضب :

-مين دا يا أمل ؟

فشهقت من فزعها

-ايه دا يا صابر خضتنى !

- بقولك مين دا؟

دا الى فكيتله وانا عندك كان بيشكرنى، وبعدين أنت
بتسأل ليه، وبتزق كدا ليه؟

-انا أسف متزعليش منى بس أنتى عارفة انى
مستحملش اشوف حد بيكلمك ..أنتى عارفة يا بت إنى
بحبك

-بص يا صابر انا مش هقولك تانى أنت أخويا وجارى
غير كدا لاء تحبنى متحبنيش مليش دعوى انا مبحبش حد
ووسع كدا خلينى أمشى .

وبعد أن خطت عدة خطوات إلى الأمام قال بصوت
مرتفع:

-أنتى لو مكتتيش ليا مش هتبقى لحد تانى أنتى فاهمة
قال أخويا قال

فلم تلق له بالاً وأكملت طريقها وظلت تفكر فى ذلك
الأسمر الذى تغيرت دقات قلبها ما إن سمعت صوته
او فكرت به وظلت صورته أمامها حتى وهى بالعمل
وعقلها العنيد يأبى أن يوقف التفكير به فقاطع شرودها
صوت جميلة صديقتها الوحيدة والتى لها شعر أسود

كالليل وعيون جميلة كأسمها ولكن ذبلت من الهموم
ووجه يميل إلى السمار

-مالك يا بت سرحانة فى ايه الأبرة هتدخل فى ايدك يا
مضروبة

-ما تخفيش انا واخدة بالى أهه

وإذا بالراديو يذيع أغنية ليلى مراد... انا قلبى دليلى...
وظلت أمل تردد معها كلمات الأغنية وقلبها يخفق كما لم
يخفق من قبل حتى أنها لا تسمع ما تقوله جميلة .

-أمل.... أنتى يا بت .. لا لا دا أنتى حالتك صعبة أوى

وفى تلك الأثناء مرت بجانبهن صابرين التى تتلذذ
فى مضايقة أمل لغيرتها الشديدة منها، فهى أجمل منها
وتميزت فى العمل بالرغم من أن صابرين هى التى كانت
تعمل فى هذا المكان من قبلها، فألقت كلماتها وهى تسير:

-الى واخذ عقلك

وأصدرت ضحكة استهزاء

ولأول مرة أمل لا تحيب عليها واكتفت بالقاء نظرة
أشعلت النار بصابرين فأستغرب الموج

ودين لعدم ردها وظنوا أنها مريضة أو تواجه مشكلة ما،
فأعادت نظرها إلى جميلة :

- روحي شوفي شغلك يا جميلة
-طيب ريحيني وقوليلي مالك
-ولا حاجة شوية مشاكل في البيت بس
-ماهو ذا العادي يا أمل قولتلك مليون مرة متحطيش
في دماغك عشان أمك مش هتتغير
-على رأيك
-بس متأكدة ان دا اللي مخليكي تايهه كدا
-أه...هيكون في إيه تاني يعني
-مش مصدقاكي يا بنت سعاد
فأبتسمت أمل لمعرفة أن جميلة قامت بكشفها:
-مش بقولك مش مصدقاكي لينا قاعدة بعد الشغل
وتركتها لشرودها مرة اخرى
-انا بجد مالي بفكر فيه كدا ليه أكونش أعجبت بيه
أكمنه هية كدا وحليوة بس وبعدين أيه آخرتها هو عمره
ما هيصلي واحد في الجيش وليه مركزه هيصص لواحدة
زي قاعدة على مكنة برجل حديد ليه بلا وكسة يلا
يعنى هي أول مرة أتمنى حاجة ولا طولهاش

وبعد إنتهاء العمل ذهبت أمل وجميلة إلى كورنيش النيل
ووقفت تستنشق الهواء النقى وأغمضت عيناها ليصفو
ذهنها وكسرت جميلة هذا الصمت :

-إحنا هنفضل ساكتين كدا كثير...مالك مش مضبوطة
من الصبح تكونيش بتحبي
-بحب!

-قالتها أمل وشعرت بوخزة في قلبها:

-أه ياختى بتحبي وبعدين مالك أتخصيتى ليه هى
جريمة بس فين وأمتى وأزاي ومين ما احنا مع بعض
على طول تكونيش حيتى على صابر كاست
-صابر مين دا اللى أبصله

-اه يعنى فى حد تانى مين بقى ؟ ...قولى يا بت تعبتينى

-ولا تانى ولا تالت حصل بس موقف غريب وركز فى
دماغى

وأعادت على مسامعها ماحدث وعندما فرغت من
حديثها وجدت جميلة تعلقو شفيتها إبتسامة:

-هو والنبي هو

- هو أيه؟

- الحب يا حتى من أول نظرة الى بنشوفه فى الأفلام

- لا يا شيخة مفيش حاجة من الكلام دا

- كابرى انتى بس واستقوى لكن لما السهم يصيب

والقدر يحى مش هتعرفى تنفدى

وعاد الصمت وحمل النيل أسرارهم فى أحشائه وعاد
كلا منهن إلى منزلها وتمنت جميلة لو أن من تميل إليه يبادلها
نفس الشعور ويشاركها وحدتها ويملاً فراغ قلبها ولكنه
لا يشعر بها لا يراها فقط لأنها ليست جميلة أرادت منه أن
ينظر لها بقلبه حتى يرى جمالها

مرت الأيام ولم ترَ أمل ذلك الغريب مرة اخرى
وكأنه اختفى أو لم يكن فى الأساس، اشتاقت لصوته لعينه
وظلت تسأل نفسها هل يشعر كما تشعر؟ هل يبادلها
نفس الشعور أم لا وحتى تتخلص من هذه الحيرة قررت
أن تنساه وحاولت هذا بالفعل فأصبحت تمارس يومها
المعتاد وذات مرة أثناء سيرها إلى العمل وجدت يد تجذبها
من الخلف فأصابها الفزع فوجدته صابر:

- عمال اندهلك مش بتردى ليه؟

فرمقته بنظرة حادة وتحذث بصوت غاضب مرتفع:

-انت ازای تمسکني کدا؟!!

-مقصدهش بس انتی واخدة فی وشک وماشیه ومش
بتيجی تاخدی شرایط قولت اطمین یعنی مفیهاش حاجة

-بقولک إيه يا صابر أنت فی حالک وانا فی حالى يا ابن
الناس عشان منخسرش الجيرة الى ما بينا

-ليه بس کدا أنتی عارفة أن انا غرضی شريف

-الجواز عرض وطلب وأنت طلبت وانا رفضت فخلصنا
بقی .

تغيرت ملامح صابر وظهر الغضب على وجهه فضغط
على يدها بقوة واخذ يحدثها بحدة:

-انا قولتلك قبل کدا انتی لو مش ليا مش هتبقى
لغيری وانا عند کلامی

-ابعد أيدک عنی احسنک واوعی تفتکر أنى أتهددت
مش انا الى ينفع معاها الكلام دا

تحدثت بقوة رغم الخوف بداخلها ورعشة قلبها فإذا
بيد تمتد لتخلصها من بين يديه ولكنها لم تكن قوية كفاية
لتخليصها تلك كانت جميلة التي كانت تنتظرها عند أول

الشارع كالعادة، وتجمع الناس حولهم محاولين جعله يتركها لكنه طبق يده على يدها بقوة إلى أن اعطاه أحدهم ركلة أطاحت به على الأرض وخلص أمل من يده وبدأت بينهم مشاجرة لم ترَ أمل من خلف دموعها التي أنهمرت رغماً عنها من الذى خلصها من يد صابر، وبعد تفريق الناس بينهم وتهدة الوضع وجدته ذلك الغريب «علي» ملاكها الحارس الذى جاء لينقذها من جنون صابر فشعرت بالسكينة عندما رآته فأقترب منها وحدثها بصوت متهدج:

-انتى كويسة ؟

-الحمد لله

فهز رأسه ورحل لم يقل شيئاً آخر ولم ينتظر لشكره فقط رحل أكتفى بالنظر لعينيها كما لم ينظر لها من قبل وتركها مرة أخرى لحيرتها بجانبها جميلة التي أجهشت بالبكاء فربتت أمل على كتفها ولم تذهب أياً منهن إلى العمل أو المنزل فيكفى ماحدث لن تتحملاً ضغطاً آخر .

جاء اليوم المنتظر وحضر آدم وعائلته لطلب يد سلمى واجتمعت العائلتان وفي نهاية الكلام قاموا بقراءة الفاتحة وبين إصدار الزغاريد وتهنة الأهل وفضول الجيران الذى

تشبع برؤية آدم يخرج من المنزل هو ووالده ووالدته كانت فرحة أمل لا توصف وأخيراً شعرت بما أنجزته ولبست سلمى فى يمينها دبلة دبب الفرحة أخيراً فى منزل أمل التى ضمت أبنتها لصدرها ضمة قوية وأخذ آدم الأذن قبل رحيله أن يخرج هو وسلمى فى اليوم التالى وشرطت أمل أن يصطحبها زين معها .

جلس آدم وسلمى يتحدثان وكانت سلمى بطبعها خجولة يحمر وجهها من أقل مديح .

-تعرفى انا أول مرة شوفتك حسيت أن فى حاجة بتربطنا وأن أنتى تخصينى مش عارف أزاى لو مصدقنیش مش هزعل عشان انا نفسى مش مصدقنى

فأبتسمت إبتسامة خفيفة ووجهت نظرها إلى الطرف الآخر من المكان

-مش مصدقانى ؟

-لا مصدقك ..عشان انا كمان حصل معايا حاجة شبه كدا

-ايه دا بجد ..طيب احكى كل التفاصيل يلا

صمتت قليلا محاولة تجميع الكلام الذى تشتت

-مش حاجة يعنى ..بس كنت داخل المدرج ولا بس بليزر
رمادى ومتعصب كدا على كل الناس فعينى جت عليك
قولت ماله دا بيتكبر على الناس ليه وبعدين حاولت أشيل
عينى من عليك معرفتش كأنها ثبتت وحسيت أن فى حاجة او
إنك هتكون حاجة مهمة فى حياتى ..بس كدا

-الكلام دا ليا .. يعنى انا بقيت مهم فى حياتك؟

او مات برأسها، فأبتسم هو ابتسامة عريضة كشفت عن
أسنانه :

-انتى كمان اهم حاجة فى حياتى ...بحبك

أبتسمت وهى تشعر بخجل شديد:

-على فكرة لما بتكسفى بتبقى حلوة

فزادها خجلاً لا تعرف كيف تجيب برغم كل ما تحمله
من مشاعر فتحدث كاسراً للصمت:

-شكل زين حب المكان واتعرف على ناس جديدة

-أه أصله عشرى جداً ويحب الكورة فتلاقيه فى أى
حاجة فيها كورة راشق

فأبتسم لحديثها كالأطفال فهذه إحدى الاشياء التى
جذبتة إليها، وبالرغم من إنها فى العشرينات إلا أن بداخلها

طفلة تطل في حديثها لتمييزها عن الأخريات، مر الوقت سريعاً ولم يشعرا به وعندما استقلوا سيارته ليوصلهم تمنى لو أن الوقت يتوقف قليلاً لتبقى معه، وعندما وصلت إلى المنزل وجدت الحلف الثنائى ينتظرها (امل-هند) حتى تخبرهم ما حدث فى اللقاء بالتفصيل وفور رؤيتها أنهالوا عليها بالأسئلة :

-ها يا سلمى انطباعك عنه إيه ؟

-عادى .. كويس يعنى يا ماما الحمد لله

-استنى يا ماما نسأل الاسئلة المهمة قالك كلام حلو

-طيب انا هدخل ارتاح شوية يا ماما تصبحوا على خير

-ايه دا تعالى هنا شايفة يا ماما بتكروتنا أزاى

فضربت أمل هند فى كتفها لإسكاتها فيكفى أنها أخرجت أختها، وفى تلك الأثناء تدخل زين ليدى رأيه:

-بصى يا ماما انا هقولكم المفيد هو كويس وودانا مكان جميل وجابلى مانجة قطع احلى من اللى بتعملها فأنا موافق عليه

-بقى كدا مانجة احلى من اللى انا بعملها

-اشمعنى دى الى ركزتى عليها بصى هو الحق يتقال ..أه
أحلى وجرى إلى غرفته وتبعه «الششب» الذى أصابه قبل
غلق الباب

-آاه أنتى المفروض تشتغلى فى القناصة وتركت هند أمل
منشغلة مع زين وتبعت هى سلمى إلى الغرفة
فتوجهتا إلى الكورنيش ولم تنطق أياً منهن بكلمة واحدة
وشردت كل واحدة فى عالمها وأخذت أمل تفكر:

-انا مش عارفة اشكره عشان دافع عنى ولا أتعصب
عليه عشان ظهر تانى بعد قربت أنساه، وتنهدت وكأنها
تحاول إفراغ ما بقلبها للنيل....ليه بس تظهر تانى انا
تعبت على ما نسيك وأقنعت نفسى أنى نسيك انا ليه
مضايقة وموجوعة كدا وياترى هيقول عليا أيه بعد موقف
انهاردها دا كل ما أقول اتعدلت ألاقىها كركبت أكثر يارب
أنا صابرة ومش بعترض بس تعبت أكرمنى يارب .

ولم تكن جميلة أحسن منها حالاً فهى الأخرى تتألم

-أزاي ميحسش بيا دا انا الى بحبه مش هى ولولف
الدنيا بحالها مش هيلاقى حد يحبه أدى لأمتى هيفضل
متعلق بغيرى لا ومش اى حد دى أعز اصحابى لما هو مش

ليا زرعت محبته فى قلبى ليه يارب... وهو غبى بيحب أمل
الى مش بتحبه ورايدة غيره وبنلف فى دايرة مقفولة مش
قاهرنى غير أنى ولا عارفة اكرهه ولا عارفه اخليه يجبنى .
واخيراً قررت جميلة أن تخبر أمل عن مشاعرها تجاه صابر
بعد أن تأكدت أنها لا تفكر به فأردفت:

-أمل انا عايزة أحكيلك حاجة بقالى فترة مخبياها عنك
فاعتدلت أمل فى جلستها:

-قولى يا جميلة

فأفرغت جميلة ما فى قلبها تجاه صابر وكيف رآته لأول
مرة وكم مرة حاولت لفت إنتباهه ولم تفلح وتفاجأت أمل
من إخفاء جميلة لمشاعرها عن أقرب شخص لها ولكن
سرعان ما تفهمت خوفها من أن تخسر حبيبها وصديقتها
فى آنٍ واحد وظلت جميلة تبكى فضمتها أمل بحنان محاولة
تهديتها ولم تستطع هى الأخرى أن تكبح دموعها وكان
الوقت قد حان للتخلص من الأوجاع وبعد مرور بعض
الوقت على هذه الحالة قالت أمل:

-خلاص انا وانتي هنحل الموضوع دا

فسألتها جميلة بصوتٍ مكتوم :

-ازای ؟

-هنتصرف هنعمل ای حاجة ما انا مش هقف أتفرج
عليكى وانتى فى الحالة دى... وانتى كمان متسييش حبك
يضيع منك .

-مش هشحت منه الحب منه يا أمل

-طيب وهو هيحس بيكى ازای ياختى وهو ميعرفكيش دا
حتى نادر لما بيشوفك كل مرة تستينى على اول الشارع طب
ادخلى عدى من قدامه يعرف شكلك حتى بلا وكسة وبعدين
أسكتى خالص انا مش طيقاكى

-طيب قوليل أعمل إيه ؟

-بصى أدينى فرصة أفكر وأقولك هنعمل ايه

وبذلك دخل الاطمئنان لقلب جميلة واحتضنت أمل
بشدة تعبيراً عن شكرها لمساندتها وظلت أمل تفكر كيف
تتصرف فى هذا الموضوع الذى أخذت على عاتقها مسألة
حله وعلمت ايضاً أنه سيشغلها عن التفكير فى على الذى
جعل النوم يهرب من عينيها

بدأت الأحاديث المسائية بين الأختين كعادتهن ولكن هذه المرة كان الموضوع مختلف وكاد الفضول يقتل هند، فهي تريد أن تعرف ما حدث بين سلمى وأدم .

-يلا يا سلمى احكيلى

-احكيلك إيه ؟

متصنعة عدم معرفة ما تقصده هند:

-ماشى استهبلى بس برضوا هعرف ..يلا قولى

-أقول إيه؟

-قالك إيه وقولتيه إيه

-مقولناش حاجة كلام عادى يعنى يا هند

-أيوة عادى ازاي معلش فين كلام المخطوبين

-لا مفيش

-عشان خاطرى يا سلمى بطلى رخامة وقوليلى

تمددت سلمى على السرير وأغمضت عيناها:

-نامى يا هند الله يهديكى

أتجهت هند لفراش سلمى وفضولها يلح عليها :

- طيب بصي قوليلي وانا هسكت مش هعلق خالص...
ولا أقولك انا هقول وانتى قولى صح ولا غلط
- يادى الليلة الى مش فايته امرى لله
فأعتدلت هند فى جلستها:
- قالك بحبك ؟
- أه
- امم قالك عنكى حلوة
- أرتسمت بسمة على شفيتها وكأنها تستعيد تلك الكلمات
بصوته :
- أمم
- مسك إيديكى ؟
- إيه لا طبعا
- فى إيه يا بنتى انا بقولك باسك
- إيه يا بت قلة الادب دى ..أجرى نامى بدل ما تضربى
- كتنى سيبه يمسكها يا فوزية
- تصدقى انا غلطانة إنى خليتك تعرفى حاجة

-انا عرفت بمجهودي يا ماما ودلوقتي هنام وانا مرتاحة

هيبه

ذهب الجميع في نوم عميق إلا أمل التي ظلت مستيقظة
تلبس نظارتها وتحمل ورقة وقلم تسجل ما أشرته
لسلمى في جهازها وما تحتاجه وحل الصباح وهى على
هذا الوضع فتركت ما بيدها وأجلته لبعد عودتها من
العمل وبالفعل عندما عادت أخرجت كل ما أشرته لها
من قبل وأخذت تسجله فسرقتها الوقت ولم تذهب إلى
خالد في موعدهم المعتاد وما أن نظرت إلى ساعتها تضايقت
وظلت تتمتم:

-أكيد هيزعل انا حتى مأخذتش رقمه عشان لو مش
هروح أقوله انا مش فاهمة إيه قلة العقل الى بقيت فيها دى
وعندما أنهت عملها في اليوم التالى ذهبت إليه مسرعة
وجدته كالعادة فى إنتظارها وما أن رآها ابتسم:

-قبل ما تقول أى حاجة انا أسفة بجد بس حصلت
ظروف خلتنى مقدرتش أجى وانت كمان مدتينش رقمك
عشان أما ابقى مش جاية أكلمك

-ولا يهكم انا مش زعلان

-لا زعلان انا عارفة وبعذرلك للمرة الثانية

- صدقيني مش زعلان انا مينفعش أزعل منك اصلا
فأبتسمت وحل الصمت قليلاً ثم أردف:
- كفاية أنك بتسليني
- قصدك بصدعك
- خالص قولتلك قبل كدا انا الى أقرر إذا كنت بصدع
وبضايق ولا لاء
- ماشى كلامك .. شوفت كنت هتتسينى هات رقمك بقى
- أصل انا مش معايا تليفون
- إيه دا فى حد دلوقتى مش معاه تليفون!
- انا
- طيب واللى عايز يوصلك يعمل إيه؟
- يقول جذر انتى نسيتى ولا إيه؟
- ودى حاجة تتنسى... بس برضوا لازم يبقى معاك تليفون
- ما انا مش بعرف أتعامل معاه
- أتعلم
- حاضر هفكر

-انت عنيد أوى

-الله يسمحك يا ستى بس قوليلي بقى مجتيش إمبراح ليه؟

-انت عارف أن سلمى أتقرت فتحتها وشوية وهنعمل
الخطوبة والجواز والوقت بيجرى فقعدت أفرز الحاجة الى
جنبها في الجهاز وأكتب الحاجات الى ناقصة والوقت عدى
من غير ما احس مع إننى مروحة بدرى ساعتين قولت هخلص
وانزلك ببص في الساعة لقتها ٩ فمعرفتش أوصلك ازاي
-ربنا يقويكى ويكملها على خير يارب لو أحتجتى أى
حاجة انا موجود

-انا عارفة من غير ما تقول ربنا يكرمك

فأبتسم وظل ينظر لها فأشاحت بنظرها نحو كوب القهوة

جلست أمل تفكر كيف تلفت انتباه صابر تجاه جميلة
وكان بها وضعت خطة لتسيير عليها فكانت أول خطوة أن
جعلت جميلة تشتري ملابس جديدة وتهتم بنفسها وجمالها
الذى دفتته بسبب ضغوط الحياة .

«من أراد أن يكون ضحية الظروف سيكون ومن تـمرد
له الحياة »

وبدأت أمل تعلم جميلة كيفية إخراج الانثى التى
بداخلها على استحياء وأختفت هى عن الأنظار وجعلت
جميلة تمر من أمام صابر لفترة ولكن لم يتحرك له ساكناً
فضل كلوح الزجاج لا ينظر إليها حتى فهو هائم فى عشقه
المحال حتى أن عينيه ملاًها الحزن فعندما وجدته جميلة
هكذا ذهبت إلى أمل :

- انا خلاص مش قادرة أستحمل اكتر من كدا

- أحنأ لسة عملنا حاجة انتى مستعجلة كدا ليه ما تهدى
شوية

- انا مش مستعجلة بس كمان مش قادرة أشوفه كدا

- ميقاش قلبك رهيف بكرة عينه تلمع بحبك

- انتى بتكذبى عليا ولا على نفسك لو شوفتیه هتعرفى
أنه مستحيل يحب تانى

- مفيش حاجة أسمها مستحيل يلا بقى أجهزى
للخطوة الثانية

- هنعمل إيه تانى ؟

- قصدك هتعملى إيه .. هتروحي تشتري منه شرايط
وتسأليه عن الجديد وتاخدى وتدبى معاه فى الكلام

-إيه دا انا هعمل كل دا لاء يا ستي مش هقدر اما لما
بشوفه من بعيد قلبى بيبقى هيقف أmaal لو رحا أكلمه
هطب ساكتة .. لا لا شوفى حل تانى

-خلصتى بصى يا ستي متخافيش انا هبقى جنبك
ومتبعاكى بس انتى أجمدى وانا هقفلك بكرة عند أول الشارع
مكان ما كنتى بتستينى على ما تروحيله
-أمرى لله

وفى اليوم التالى أنطلقت جميلة لتنفيذ ما أاتفقا عليه وما
أن وصلت إليه لم تستطع أن تقف وذهبت الى أمل مباشرة:
-لاا لاء إنسى يا أمل شوفى طريقة غير دى مش هعرف
-مش انتى بتحبيه وعيزاه يعرفك ويحبك
-أه

-خلاص ببقى تسمعى كلامى وإلا والله همشى وأسيك
وماليش دعوى بالموضوع دا
-خلاص خلاص

-أيوة كدا

-إيه الذل دا

-يلا يا ختى آخرتينا على الشغل وباريته بفايدة أقول
عليكى إيه

وعندما عادت جميلة إلى المنزل وقفت أمام المرأة وأخذت
تتخيل أن صابر يقف أمامها وتحذثه :

-أزيك كنت عايزة شريط كاست لا لا إيه دا مش كدا

-لو سمحت كنت عايزة شريط كاست ... لا الناس
تقول على الصبح صباح الخير... صباح الخير عايزة شريط
كاست يووووه ألا ما فلحت فى حاجة هفلح فى دى

فأرتدت ملابسها وخرجت من الغرفة وألقت كلامها
على مسامع والدها وهى تسير:

-انا رايحة ابات عند أمل انهاردة

وأعطته بعض المال حتى لا يعترض وبالفعل لم يفعل
حتى لم ينظر إليها ووصلت الى بيت أمل ففتحت لها سعاد:

-ازيك يا خالتى أمل موجودة؟

-أهى موجودة هتروح فين

وأخذت تمصمص شفيتها:

-أتلم الموكوس على خايب الرجا

لم تعلق جميلة على ما قالته سعاد وأتجهت الى غرفة أمل
-إيه دا جميلة تعالى في حاجة ولا إيه
-أه مش عارفة أجهز كلام أقوله بكرة
-يخريبتك خضيتني انا قولت أمك جراها حاجة
-لا دا انا الى هيجرالى حاجات مش حاجة من كتر
التفكير قولت بدل ما انا قاعدة لوحدى أجى أجنك معايا
-طيب تعالى اقعدى ..بصى يا حبيبتى اعتبريه اى حد
متعرفهوش بتشتري منه حاجة
-بس دا مش أى حد
-يا عيني على الحب يا عيني
قالتها أمل ضاحكة
فلمعت عينا جميلة وأحمر وجهها خجلاً
-خلاص متكسفيش انتى بكرة لازم تعامليله على إنه
حد عادى متعرفهوش ماشى
-هحاول حاضر
وفي الصباح اتجهت جميلة لوجهتها مرة أخرى وما أن
وصلت أمام صابر بدأت قطرات الماء تتلأأ على وجهها

وظهر عليها التوتر ولم تنطق بكلمة واحدة وظلت تحرق
بوجهه فقط

رن جرس هاتف سلمى فوجدت رقم حالتها هدى :

- غريبة !

- هي ايه اللى غريبة ؟

- خالتك بتتصل

- طيب شو فيها عايزة ايه !

- أزيك يا خالتي

- الحمد لله يا سلمى عاملة إيه يا حبيبتي وحشاني

- انتي اكتر يا خالتي فى حاجة ولا إيه

- بتتصل على أمك مش بتردهى فىن امال

- فى الشغل

- هي يا بنتى مش بتيجى الساعة ٥

- لا ماهى الفترة دى بتيجى متأخرة

- تلاقيها يا عين امها بتشتغل شغل تانى عشان تجهزك

سكتت سلمى قليل ثم أردفت:

- لا يا خالتى ماما فى شغلها بس عندهم ضغط شغل
عادى يعنى

- طول عمر ك سرها يلا وخطيك عامل إيه

- الحمد لله كويس

وأنهت سلمى المكالمة ولكن شغلها كلام هدى وأخذت
تفكر هل يمكن أن تكون أمل تعمل عمل آخر وتخفى عنها
فقاطع أفكارها صوت هند وهى تدخل من باب الغرفة
وتأكل خیار:

- كانت عايزة إيه؟

- مفيش كانت عايزة ماما عشان مش بترد عليها

- أمم امال كتتى سرحانة فى إيه؟

- ولا حاجة

- خالتك قالتلك إيه يا سلمى وخلتك تفكرى زى الهبله

- بس يا بت خليكى فى اللى بتاكله

- تاخدى حته؟

- أمشى يا باردة

- ولا أقولك هاتى حتة
- لاء مش هديكى حاجة
- خلصى يا رخمة
- الله يسامحك انا هديكى بس عشان قلبى رهيف ومقدرش
أشوف اختى جعانة
- أخلصى انتى هتخطبى هاتى
- وفى تلك الأثناء دخلت أمل إلى المنزل فقالت سلمى :
- كنتى فىن يا ماما ؟
- فى الشغل
- بس انتى بتخلصى بدرى عن كدا
- عادى عندنا ضغط شغل فى حاجة ولا إيه
- لا عادى بطنى عليكى
- أمم هو دا الى خالتى قالتهولك وخلاكى تسرحى
قالتها هند فرمقتها سلمى بنظرة حادة:
- خالتك .. كانت عايزة إيه ؟
- ولا حاجة كانت بتسأل عليكى عشان مش بتردى عليها

-أيوة وقاللك إيه تانى؟ خلاكى تسرحى زى ما هند
بتقول

-مقالتش يا ماما هند اوفر ما انتى عارفة

-طيب انا هدخل ارتاح شوية على ما تجهزوا الاكل

-ماما

-قولى يا سلمى يلا عايزة تقولى إيه متقعديش تلفى
وتدورى كتير

-حاضر... انتى بتشتغلى شغل تانى؟

فابتسمت أمل:

-طب انا لو بشتغل شغل تانى ما انا هقولكم هو دا
الى شاغلك أما انتى هبله صحيح

-لسه قايللها الكلمتين دول والله يا ماما

-بس يا بت متشتميش أختك

-حاضر يا كبيرة

ودخلت أمل إلى غرفتها تسأل نفسها لماذا شعرت بالقلق
عندما سألتها سلمى عن تأخيرها على الرغم من إنها لا تفعل
شيئاً خاطئ

ولكن هى عادات مجتمع وتخشى منها فأخذتها الحيرة
هل تخبر سلمى عن خالد أم لا وفى آخر الامر قررت أن
تأخذ رأى خالد فى هذا الموضوع وفى اليوم التالى عندما
دخلت من باب الكافيه وجدته عندما رآها لم يشح بنظره
عنها وعلى وجهه إبتسامة عريضة

-مالك بتبصلى كدا ليه

-أقولك حاجة ومتاز عيش

-قول

-كل مرة بشوفك فيها كأنى بشوفك لأول مرة وفى كل
مرة بتزيدى جمال بتبهرينى بصراحة

فشعرت بالخلجى وكان انسكب عليها سطل ماء ساقع
وردد بصوت منخفض:

-الله يخليك دا من زوقك

-على فكرة انا مش بجمال دى حقيقة بس انتى مش
حاسة بقيمتك انتى حاجة عظيمة اوى

-انا كدا هتغر

-حقك دا أقل واجب

فضحكت

-انت شكلك فايق ورايق انهاردة

-معلش كان لازم أبدى إعجابى مكتتش عارف اسكت
اكثر من كدا

-بس انا مش ملاك وليا عيوبى

-بالنسبالى كل عيب فىكى ميزة

-مش أوى كدا

-تلاقيكى دلوقتى بتقولى أيوة كدا بان على حقيقتك
بس انتى فعلا كبرتى أوى فى نظرى وشرفنى إنى بقيت
حد من معارفك أو أصدقائك

-ليا الشرف وبجد مش عارفة أقولك ايه على الكلام
الكبير دا .

وبعد هذا الحوار نستأمل الموضوع التى كانت سوف
تأخذ رأيها به كان مدحه لها كافياً لرفع روحها المعنوية وإشراق
وجهها وإيقاظ مشاعر من مرقدتها .

- هو في حاجة يا انسة
- إيه لاء ابدأ أصل انا كنت عايزة يعنى .. هو
- أهدي بس انتي في حد بييجرى وراكي
- حد بييجرى ورايا إيه لاء انا بس عايزة أشتري شريط
- ايوه عايزة شريط مين بقى
- فرجنى اللى عندك
- انا حاسس إننى شوفتك قبل كدا صح مش انتى
- صاحبت أمل
- أه انا جميلة
- عاشت الاسامى
- انا صابر ألا أمل فين ؟
- فتغير وجه جميلة وصار باهتا:
- فى الشغل ... أمل فى الشغل
- طيب ما تحننى قلبها عليا شوية... انا عارف ان اللى
- عملته معاها غلط بس انا شارى والله ومستنى منها إشارة
- بس

وأثناء كلامه لمعت في عينيه دمعة سجيئة مزقت قلب
جميلة وقالت بصوت مخنوق:

- حاضر هكلمها لك

- بجد ولا بترجييني

- لا بجد متقلقش هكلمها

وفي أثناء إنتظار أمل لجميلة سمعت لوهلة صوت ذاك
الغريب الذى أنطبع في أذنيها وتستطيع أن تميزه من بين
مليون صوت:

- ازيك

ألثفتت أمل مسرعة فوجدته هو أمامها فشعرت وكأنها
تحلم وظلت صامئة للحظات لتتأكد من وجوده:

- الحمد لله.. كويسة وانت؟

- كويس طول ما انتى بخير

- شكراً

- على إيه؟

- على اللى عملته عشانى المرة اللى فاتت

- متشكر نيش مينفعش حد يضايك وانا موجود .. أقصد
يعنى دا واجب عليا

- صحيح انت بتيجى لىن هنا ؟

قالتها محاولة تغيير الموضوع حتى لا تظن بكلامه الظنون
فتحلم بما ليس لها:

- جدتى أصل هى الى مريانى باجى كل فترة أطل عليها

- طب قوى هى مين يمكن اعرفها

- ربنا يديكى طولة العمر انا بزورها فى المقابر

- ربنا ما يقطعلك عادة

- مش انتى رايحة شغلك دلوقتى

- اه

- تحبى أوصلك ولا لسة مش مطمئنا الى

- بعد الى عملته معايا مش هطمئلك دا انا حتى ابقى
ظالمة

- يعنى موافقة

- أه

فساروا في طريقهم و من هنا كتب القدر الخطط ليجمعهم
سويًا في منزل واحد حتى وإن كانت هناك بعض الصعوبات
كتب لهم أن يتخطوها ويتصرح بهم كمكافأة لصبرهم على
ما رأوه في صغرهم، ظلوا طوال الطريق يتحدثوا فلم يشعروا
بالتعب أو بالوقت ولم تتذكر أمل جميلة التي تركتها خلفها
فقط كانت تراه وتسمعه ولا ترى أو تسمع أحداً آخر وكانت
تتابعه خلسة تحفر ملامحه وابتساماته بقلبها دون أن يلاحظ
وكان هو الآخر يفعل تماماً ما تفعله يشعر وكأنه في حلم
يكاد أن يكون حقيقة، كثيراً ما حلم بها وظل يشكر الظروف
التي جمعتهم وعندما وصلوا إلى وجهتهم عاب كلا منهما على
الوقت الذي مر بهذه السرعة .

-حمد الله على السلامة

-الله يسلمك شكراً تعبثك معايا

-متقوليش كدا انا الى المفروض اشكرك لأنك سمحتيلي
أوصلك.

فابتسمت بخجل.... فأردف:

-هشوفك تاني

فقلت في نفسيها:

-أنا لو عليا نفسى أشوفك كل يوم وبعدين ما انت
الى بتختفى لا انا عارفة انت بجد ولا خيال

ثم أردفت:

-ربنا يسهل

فودعها ورحل ودخلت هى المصنع تائهة تسترجع كلماته
التي أحرقت قلبها قبل سمعها فوجدت خلفها جميلة تعتب
عليها لتركها وعيناها منتفخة من البكاء حاولت أمل تهدئتها
وفهم ما حدث وعندما أخبرتها جميلة ما قاله لها صابر
فشرحت لها أن هذا طبعى وأنها كانت متوقعة ذلك ولكن لم
تخبرها حتى توافق على ما تطلبه منها وطلبت منها أن تركز في
عملها وتترك لها هذا الموضوع فسألتها جميلة عن سبب رحيلها
فأجابتها بأنها سوف تخبرها فيما بعد وكلا منهن شردت في عالمها
الخاص تحلم بما يتمنى قلبها وبعد إنتهاء العمل وذهابهم إلى
مكائهم المعتاد طلبت أمل من جميلة أن تظل تذهب لشراء
الشرايط من صابر وعندما يسألها عما فعلته مع أمل تقول
أنها سوف تتحدث معها في الوقت المناسب حتى تستطيع أن
تكسب بعض الوقت لتمضية معه وتحاول فتح عدة مواضيع
معه ولا بأس إن طلبت منه أن يلتقوا حتى يناقشوا كيف تفتح

الموضوع مع أمل وعند اللقاء تتكلم في أى موضوع آخر وبالفعل هذا ما حدث وفي أول لقاء تجملت جميلة وأصبحت اسماً على مسمى فهو نفسه مدح جمالها على استحياء، وفي تلك الأثناء اختفى «علي» كعاداته ولكن هذه المرة اختفى وقتاً أطول من العادة، وبعد مرور بعض الوقت زاد تقرب صابر وجميلة من بعضهما البعض إلى أن وجدت جميلة ما لا تتوقعه رأت أمل برفقة صابر في نفس المكان الذى جعلتها تلتقى معه فيه لأول مرة نعم إنها صاحبة العمر ورفيقة الدرب لم يخنها نظرها لم تستطع جميلة أن تحتل ضياع حبها وخيانة صديقة عمرها لها فسارت في الشوارع لا تدرى أين تذهب الدموع لا تتوقف والقلب قد أنشق نصفين وتوقف العقل عن العمل لا ترى إلا صورتها أمامها يتحدثان ويضحكان هم لا أحد غيرهم وصلت إلى بيتها في حالة يرثى لها تشعر وكأنها فقدت روحها، جلست في غرفتها جامعة ساقها بيدها تبكى وتحدث نفسها كمن فقدت عقلها إلى أن دخلت عليها والدتها .

-مالك يا بت عاملة كدا ليه زى ما يكون ميتك ميت

-شوفتى يا ما أمل تعمل فيا انا كدا وانا بقول دى صحبة عمرى فضلت تقولى أعملى وسوى وانا زى الهبله مصدقاها طب ليه... ليه تعمل فيا كدا تعشمنى بحاجة هتاخذها منى ليه.. انا فهمت هو أول ما حبيب القلب

أختفى قالت تاخذ الاستبن ومش مهم انا أولع انا حاسة
 إنى مخنوقة هموت قلبى واجعنى أوى، بس العيب عليا انا
 الى صدقتها وهو محاولش يحبنى حتى مقدرش حبى ليه
 انا عارفة هو سابنى عشان هى أحلى منى بس دا حتى
 مجربش يشوف الحلو الى جوايا وبعدين انا عملت كل
 حاجة عشان اعجبه كل حاجة وياريتهم فهم

-مين دا الى حبيته وجبها والى ضحكت عليكى انا مش
 فاهمة حاجة فهمينى يا بنتى متقلقينش عليكى بالشكل دا
 -سيبىنى ياما انا مش ناقصة ولا اقولك أحضينى
 أحضينى جامد أوى عشان حاسة إنى بردانة

وأثناء الحديث طرقت أمل الباب ودخلت وما أن رأت حالة
 جميلة أنقبض قلبها وزالت عن وجهها الابتسامة التى دخلت
 بها ووجدت جميلة تنظر لها نظرة لوم وإحتقار وفجأة سقطت
 مغشى عليها وآخر ما سمعته صوت والدتها وأمل وهن
 تصرخان وتحاولان إفافتها وعندما أستيقظت وجدت نفسها با
 لمستشفى ويقف أمامها والدتها وصابر وأمل ففاضت من
 عينها الدموع فأتجهت إليها أمل ومسحت على رأسها بحنان:
 -كدا تخضينا عليكى وانا الى كنت جيبالك خبر يفرحك

قالت بتهكم:

-يفرحنى لا كتر خيرك

-طب اعرفيه الأول وبعد كدا إترىقى

-قولى

-صابر يا ستى قالى أنه بيحبك وعاييز يجى يطلبك من
ابوكى فأتسعت عيناها ونظرت له فأوماً برأسه واقترب
اليها ومسك يدها:

-خضتىنى عليكى يا أجمل جميلة

فأعدلت جميلة فى فراشها تحاول أن تستوعب ما يحدث

-أنتوا بتضحكوا عليا عشان تعبانة صح

-أبدا انا فعلا كنت حمار عشان مشوفتش حبك ليا من
بدرى .

-بس انا شوفتكوا واقفين مع بعض .

-ما انتى يا هانم مقولتلهوش انتى ساكنة فى فالراجل جه
عشان يعرف و يفهمنى انه مكنش بيحبنى أن الموضوع كان
مجرد أعجاب وانه حبك انتى وعاييز يشوفك عشان يقولك
لأنك بقالك فترة مش بتروحي عنده.

بدأت جميلة تبكى مرة أخرى ولكن هذه المرة من الفرح
وأحتضنت أمل بشدة:

-سأحبنى يا أمل أنا مش عارفة أزاى ظنيت فيكى كدا
متزعليش منى

-بس ياهبله أنا عمرى ما ازعل منك وبعدين انتى
كمان هتباركىلى قريب
-ايه دا أزاى احكىلى

-مفيش ياستى على بعلى جواب وقالى أنه لما ينزل الاجازة
الجاية هيطلب ايدى من امى ولازم اجهز نفسى
وبالفعل تزوجت جميلة و صابر وانتظرت أمل أجازة على

-وساعتها التجوزتى انتى وهو

قالها خالد

-أه التجوزنا وعشت أجمل أيام حياتى كان حب من النظرة
الاولى وطول ما كنا متجوزين لما كنا نبص لبعض نحس أنها
أول مرة بنشوف بعض فيها وبعد خمس سنين من جوازنا
خلفت سلمى وفى فترة الخمس سنين أمه وأخواته كانوا
بيحاولوا يقنعوه أنه يسينى وهو رافض تماماً وكان راضى

بالى كاتبه ربنا وديما كان يقولى انتى بنتى وحييتى ومراتى
وكل حاجة ليا ومش عايز حاجة من الدنيا غيرك كنت بصلى
وادعى ربنا يرزقنا بعيل عشان أفرحه بس والحمد لله ربنا
استجاب وجبنا سلمى كنا طايرين بيها من الفرح وبعدها
شرفت هند وبرضوا مسبوناش فى حالنا قعدوا يقولوله دى
مبتجيش غير بنات واحنا عايزين الواد اتجوز بردوا رفض
إنه يسيبنى وفى الآخر جه زين وأنتهت الحكاية زى أى قصة
سعيدة بنقرأ عنها .

«وكل عاشقاً مجنون»

الطلاق وما بعد

دخلت سلمى من باب المنزل وهى غاضبة اتجهت مباشرة
إلى غرفتها فتبعها أمل لتعرف ما أوصلها لتلك الحالة :

-مالك مضايقة كدا ليه

-مفيش حاجة انا بس عايزة ابقى لوحدى شوية

-يعنى مش عايزة تحكىلى

-انا قررت أسيب آدم

أتسعت حدقتا أمل كان هذا اخر ما كانت تتوقعه فلم
يمر ثلاث شهور على إرتباطهم

-ليه حصل ايه ؟

-طلع كذاب واللى يعرف يكذب يخون وانا مش هرمى
نفسى

-طيب اهدى بس كذب عليكى فى ايه ؟

-مش مهم على العموم هى مش أول مرة وانا مش عايزة
اتكلم فى الموضوع دا تانى كلميه خليه يجى ياخذ حاجته

-طيب ادى نفسك فرصة كام يوم تفكرى

-انا فعلاً عملت كدا وفى الفترة دى كذب مليون كذبة

-يا بنتى الموضوع مش سهل كدا فكرى تانى وتالت
وعاشر

-يا ماما يا حبيبتي مش انتى يهملك راحتى

-طيب وانتى كدا مرتاحة ؟

-هزراح هتعب شوية معلش زى ما اتبسط شوية بس
احسن ما اعيش طول عمرى فى شك وقلق واطلق بعد كدا

أقتربت منها أمل وضمتها لصدرها وقبلت رأسها:

-الى كاتبه ربنا هيكون

-كلميه بعد أذنك يا ماما انا مش عايزة حاجة تربطنى
بيه أكثر من كدا

-حاضر أهدي انتى بس شوية

مرت سلمى بأسوء لحظات حياتها كان أول من دق بأسمه
القلب وعرفت معنى الحب على يديه

«تبهرنالكلمات بأحرف زائفة لا محل لها فى أرض الواقع»

ولكن هذا لم يمنعها من إتخاذ قرارها فكل ما أرسله الله لها من إشارات كانت كافية لتبتعد وهى تتبع هذا الأسلوب فى كل قرارات حياتها لأنها ترى إن إشارات الله حقيقة لا يمكن تجاهلها وبالفعل جاء آدم لأخذ أشياء وهى لم تخرج لتقبله أكتفت بما حدث لا تريد إحراجه أكثر من ذلك، لم تفكر سلمى فى كلام الجيران ولا الأقارب ولأول مرة تفكر فى نفسها وما تستحق، مرت عليها لىالى طويلة حزينة حتى أنها فى بعض الأوقات كانت تشك فى قرارها وإن كان تمسكها بمبادئها صواب أم خطأ وكل من حولها كان يلومها تارة خالها الذى يرى إنها معقدة، وأبنائه الذين يروا إنها صاحبة المبادئ المغرورة وتارة أخرى خالتها التى ترى أن الكذب من طبع الرجال ويجب عليها تقبله لكنها لم تستسلم ولم تراجع عن قرارها ففى يقينها تشعر بأن هذا هو الصواب ووسط كل تلك الضوضاء فى حياتها عاد من انتظرت كثيراً عودته لتشاركه تلك الهموم صديق طفولتها «كريم» الذى تربى على يد والدتها منذ صغرهم إلى أن سافر، فكان له وجه طفل يزينه بالحيية وروح مرحة تستطيع حل جميع المشاكل بإبتسامة، عاد وكأنه يشعر بحاجتها إليه فأعرض أقاربها أن تربطها علاقة صداقة بشاب حتى وإن كان صديق الطفولة ولكن

هذه المرة تصدت لهم أمل فهي الآن تعرف معنى الصداقة وأهميتها وخاصة أنه لم يكن صديق سلمى فقط وإنما كان صديق أمل وهند وزين أيضاً وكانت تتمنى أمل دائماً لو أنه يتزوج سلمى التي كانت ترفض باستمرار لأن لا يليق بهم إلا الصداقة فقط ومنذ أن عاد كريم كان يشعر بما في قلب صديقه من حزن فعرض عليها أن يخرجها ومعهم هند فهو الآن بات يملك سيارة مثلما كانوا يحلموا وهم أطفالاً فأخذهم إلى السينما وكورنيش النيل الذي ورثت حبه عن أمل لم يرد كريم أن يعرف ما حدث كل ما يريده أن يجعلها تهدأ في داخلها إلى أن يأتي الوقت المناسب وتخبره وبمرور الوقت بدأت سلمى تشاركهم في الاستمتاع والضحك كان كل ما تريده أن يتحمل حزنها أحدهم ويساعدها لتخرج منه، نظر كريم لسلمى بعينين تملأ الحنان وكأنه يربت على كتفها:

-ها بقي أحكيلى حصل ايه ؟

بدأت تسرد له ما حدث وكيف كذب عليها آدم في أشياء كثيرة كبيرة كانت أو صغيرة وكيف أنه يهملها ولا يسمعها يريد أن تقدم له الاهتمام والحب طول الوقت وهو لا يفعل ظلت تحكى وحرارة دموعها تكفى لتعبر عما في قلبها وعندما أنهت كلامها ابتسم كريم وقال ما أرادت سماعه منذ فترة طويلة

-ولا يهملك انتى صح وطالما مقتنعة باللى عملتيه تبقى
مليون فى المية صح وانا بأيدك

كانت تلك الكلمات البسيطة وذلك التفهم كافياً ليخرجها
من حزنها ويشجعها على إكمال حياتها والنظر إلى المستقبل
كان لها نعم العون ونعم الصديق ومن هذا عرفت سلمى
أن الحب ليس للملئ الفراغ إنما إزاحة ما بالقلب لإيجاد فراغ
فرحت أمل كثيرا عندما رأت ابنتها عادت لحياتها من
جديد لا تهتم بأعباء الحياة لأنها تعلم أن هناك من سيشاركها
فى حملها، تلك الصداقة التى تبنى بين الرجل والمرأة تكون
أقوى من علاقة الحب فإن وجد الأثنان معاً أصبحت الحياة
رحلة جميلة مهما امتلئت بالصعاب

-طيب يعنى كنتوا عايشين عيشة اى حد يتمناها، امال ايه
الى حصل خلاكوا تسيبوا بعض ؟

-ماهى دى كانت المفروض تبقى النهاية الى وصلناها
والى الناس شافتها بس فكرك عشان نوصلها كان بالساهل
كد،دا غير الى حكتهولك طبعاً حاجات كتير عدينا بيها
عشان نقدر نكمل لكن كل الى حوالينا عينهم فى عشتنا يعنى

لو كل واحد وواحدة ركزوا شوية في نفسهم زى ما ركزوا
معانا كانوا نفعوا نفسهم وعيالهم بص يا خالد زى ما قولتلك
قبل كدا محدش ملاك وانا اه مش ملاك بس عيوبى مش بضر
بيها حد غير نفسى

-وانتى مستهونة بأنك تضرى نفسك دا اكبر غلط

-أهه دا الى حصل بقى بس بعيدا عن كل دا كان
الاساس أن البيت دا يتهد والحب يختفى عدم الأهتمام
مبقيناش نسمع بعض وبتخانق على حاجات تافهة عشان
الملل دخل ما بينا بقينا نكسره بالحناق الى بنى سور
كبير وفرق ما بينا دا غير دخول ناس كتير حياتنا دمروها
الفكرة أن كله كان عايز مصلحته بس فى نفس الوقت مش
عاجبه راحتنا حتى لما غلطت فى حقه كان المفروض يحبى
يتكلم ويعرفنى غلطى لكن هو قرر أنه يرد بغلط اكبر

وبدأت تسرد له بعض الأحداث التى تدخل فيها الآخرين
فى حياتهم عندما عاد «علي» من الأجازة حتى يطلب يد أمل
من سعاد تعرف على هدى التى شعرت تجاهه بإنجذاب لأن
سنها لم يكن كبيراً فقد تزوجت صغيرة وأصبح زوجها كهلاً
وهى فى شبابها أرادت ان تحصل على حب كحب علي لأمل
وتمنت أن يتحول هذا الحب لها لكانت تحلت عن كل شئ
وركضت إليه، أرادت أن تهرب من الوضع الاجبارى الذى

وضعت به منذ أن كانت صغيرة حتى بعد زواج علي من أمل كانت تعيب على اختها لعدم إنجابها لفترة طويلة وكان في هذا الوقت يجب أن تساندها أو حتى تتركها تحارب وحدها لا أن تضغط عليها مع الآخرين، أرادت هدى أن يلاحظ علي هذا ويتخلى عن أمل ويتزوج منها لأنها أنجبت قبل ذلك وعندما علمت أن أمل تحمل في أحشائها جنين دبت النار بداخلها وظهرت شرارة الحقد وما لم تأخذه بالرضا حاولت أن تأخذه بالحيلة فحاولت أن تجذب علي إليها بشتى الطرق ولكنه كان يصدها ويحاول إبعادها عنه وهي لم تيأس وخاصة عندما كانت أمل بالمستشفى تلد سلمى وذهب علي لإحضار ملابس الطفلة وتبعته هدى إلى المنزل

- انتى إيه الى جابك هنا يا هدى أمل فى المستشفى

- ما انا عارفة إنها فى المستشفى بس جيت عشان أساعدك وانت بتجيب اللبس قولى يعنى أكيد مش هتعرف تجيبه

- لا انا عارف هو فين

فعادت إلى الخلف تراقبه وهو يفتح الأدراج والدولاب يبحث عما يريد

- مش قولتلك مش هتعرف تجيبه

فتقربت منه وهى تبحث عن الملابس فعاد هو إلى الخلف
مسرعاً وبعد أن أعدت الحقيبة أخذها ليرحل فجذبتة من يده:

-أستنى طيب نشرب كوبايتين شاي

-أختك فى المستشفى وعازية تقعدى تشربى شاي

-وأيه يعنى ما انا ياما ولدت وأدينى أهه كويسة

-انا ماليش دعوى بيكى ويلا عشان متأخرش اكر من

كدا

فجذبتة مرة اخرى من يده وهو متجه إلى باب المنزل
فدفعها على الأرض وطردها وطلب منها أن تقطع علاقتها
بهم وحاول لفت إنتباه أمل لأفعال أختها لكنها لم تصدق أو
حاولت ألا تصدق فكيف لأقرب الناس إليها أن تفعل بها
هذا ليس هذا فقط فقد طمع محمد وأحمد بهاله فحاول عدة
مرات أن يزيل من على عيني أمل الستار لترى أخوتها على
حقيقتهم ولكنه لم يفلح واستمر الوضع هكذا تبعد عنهم تارة
وتقرب تارة أخرى، كانت دائماً بجانبه تدعمه وتدفعه للأمام
وأعطته كل حبها وإهتمامها ولكن بعد مولد زين مرضت
فلم يتركها وظل يساندها وظلت تستمد منه قوتها ولكن
مع الوقت أصبح هناك فتور فى علاقتهم لم تعرف لماذا هل
لأنها مرضت أم أن هناك أمراً آخر؟ وبعد ذلك علمت إنه

لم ينجذب لأختها إنما انجذب لأخرى جعلته يغمض عينيه عنها وعن أولاده وينسى كل ما عاشوه معاً وكل ما واجههم حتى يصلوا إلى هذا البيت لم تتوقع يوماً أن مرضها يبرر له خيانتها وبدأت هي تتعافى ويمرض هو بملذات الحياة حتى أنه خرب مشروعهما الذي عملا عليه في بداية حياتهم وهو محل الدهانات الذي كان يملكه فأصبح يصرف ماله على سهراته وأصدقاء السوء ونزواته وكان لا يحق لها أن تتكلم إلا وأسمعها ما لا تستطيع أن تقبله ولكنها لم تياس وظلت تحاول جعله يتعافى ويعود كسابق عهده ولكنه أبى وبأت كل محاولاتها بالفشل، فقد اعتاد على تلك الحياة التي زينها له الشيطان ونسى أمر امرأته وأطفاله وأصبح الجميع وخاصة هدى يضغطوا عليها لتركه وتطلب الطلاق بحجة أنه غير وأصبح فاسداً ولكنها رفضت وتمسكت به لم تتخيل أن هذه هي نهاية قصة حبهم، ولم تستعب كيف وصل بهم الحال إلى هنا؟

-عارف كنت حاسة وقتها ان دا هيكون ضعف منى واستهانة بحبنا وبحياتنا مع بعض لو سبته يغرق ودمرت البيت وكنت عاملة حسابى ان يوم ما هنفترق هيكون بموت حد فينا متوقعتش أبداً ان فراقنا هيكون قريب كدا.

-وسقطت من عينها دمعة سجنتها لوقتاً طويلاً فمئذ انفصلهم لم تتحدث مع أحد في ذلك الموضوع حتى لا تشعر بذلك الضعف الذى تشعر به الآن، وأخذت تتذكر أيامهم الجميلة وضحكاتهم التى كانت تملئ المنزل وما بعد ذلك عندما تبدل وأصبح يهينها ويقارنها بالنساء الأخريات ويخبرها كم تحملها في مرضها حتى إنه أحياناً كان يضربها امام أطفالها فكانت في لحظات تشعر أنه ليس هو من أحبت وتزوجت وكانت بهذا الشك تهرب من الواقع الأليم الذى لن تستطيع أن تتحمله ولكنها علمت في نهاية الأمر أن الوقت قد حان للانفصال لن يستطيعا الاستمرار وطلبت منه الطلاق ولكنه لم يكن يستجيب وكأن قلبه يمنعه ففى داخله يتمسك بها وفى ظاهره كأنه لا يراها فى الأساس فكان القلب يرى ويؤمن بما يريد ولكن في نهاية الأمر رأى علي أن الحياة أصبحت بينهم مستحيلة والأفضل لأطفالهم الانفصال وخشيت أمل أن يلقى أطفالها نفس المصير الذى لفته وهى صغيرة إذا إنهارت وإن لم يكن نفس الشئ وتحملت على نفسها وظلت تستقوى وخرجت تعمل حتى لا تشعرهم بنقص وخاصة أنهم كانوا صغاراً وفى غيابها كانت تعتنى سلمى بأخوتها وترعاهم فكان الجميع يطلق عليها الأم الصغيرة واستيقظ علي من غفلته بعد أن فقد كل شئ وتزوج من امرأة أخرى لم يجد نفس المنزل ولا الزوجة ولا الحب والاهتمام والضحكة خسر كل ما

جمعه طوال حياته فحاول أن يعود إليها مرة أخرى لكنها لم توافق ولم تستطع أن تهين نفسها وحبها أكثر من ذلك ومن هنا وهبت أمل حياتها إلى أطفالها دون أن تتردد ولم تفكر في الزواج قط وكما مضى علي في حياته الجديدة مضت هي في حياتها وبعد فترة تلقت العديد من عروض الزواج ورغم أنها مازالت تتمتع بشبابها إلا أنها رفضت الزواج وكان أحد الذى تقدموا لها من أصدقاء علي وظلت ترفضه وهو لا ييأس، و أثناء ذهابها إلى العمل أوقفها جاراً لهم:

-ازيك يا ام زين

-الحمد لله في حاجة ولا ايه يا ابو حسن

فظنت لوهلة أن علي هو من جعله يتوسط له عندها وفي داخلها إنها سوف توافق إذا طلب فهي لا تستطيع أن تكمل بدونه

-لا كل خير إن شاء الله كنت عايز اتكلم معاكى في موضوع ضرورى لو تسمحيلى اجى اشرب عندكوا الشاى

-طبعا تنورنا هنستناك بعد المغرب

فقد اعتبرت أمل نفسها من الرجال لبست ثوبهم وجعلت أنوثتها تتلاشى حتى تستطيع أن تعيش في هذا المجتمع الذى ينظر للمطلقة على أنها وباء أو مريض وليس عليها أن ترد على

ظنّوهم بل يجب أن تصمت وتتطأطأ رأسها وكأنها ارتكبت
جريمة وتكون مطمع للهمارة

رن جرس الباب معلناً عن وصول أبو حسن فأدخلته
وقامت معه بواجب الضيافة وبدأ حديثه الذي لم تتوقعه

-انا ممكن اعرف انتى رفضانى ليه

-هو انت جاي عشان تقولى كدا

ضاع كل ما فكرت به وكل آمالها فى عودة الغائب

-على العموم انا مش رفضاك انا رافضة الجواز عموما
واعتقد دى حاجة تخصنى وحتى لو مكنتش رافضة خد بالك
أن مراتك صاحبتى ودى ست محترمة عيب أوى اما تعمل
معاها كدا وخط فى أعتبارك ان جوزى كان صاحبك... أقصد
طليقتى .

-لو مراتى العقبة أطلقها

-هو دا الى فهمته من كلامى ! هو سهل عليك كدا
تسيب مراتك وعيالك وتخرب بيتك طب كنت بتتجوزها ليه
وعيالك ذنبهم ايه على العموم انا مش بتجوز ولو سمحت
متفتحش معايا الموضوع دا تانى

-طيب شوفي عيزاني أعملك إيه وانا اعملهولك انتى
متعرفيش انا شاريكى أد ايه

-وانا مش سلعة عشان حد يشترينى ولو سمحت قفل
على الموضوع دا بقى وكفاية لحد كدا

-بعد كل اللى عملته عشان أوصلك ترفضينى انا مش
هسيك بالساهل كدا

-يعنى إيه بعد اللى عملته !

-ايوة انا تعبت وتعبت اوى كمان عشان أبعده عنك
واخليه يكرهك صحيح مقدرتش اكرهه فيكى بس المهم
أنكوا سييتوا بعض

-هو مين دا انت شكلك بتخرف

-لا مش بخرف وبعدين انتى فاكرة أن على اتغير كدا فجأة
لو حده انا اللى تعبت عشان اغيره كدا كنت كل مرة بشوفك
فى ايده النار بتقيد فيا ببقى هموت وقررت أنى أفرقكم عن
بعض علمته طريق كل حاجة غلط عشان تكرهيه بس انتى
مكتيش شايفة غيره وجاية دلوقتى تقولىلى مش هتجوزينى
انتى متعرفيش انا ممكن أعمل ايه

صدمت أمل مما سمعته وظلت صامتة تتابعه وهو يتحدث
بطريقة هستيرية إلى أن قاطعته :

-انت بجد مجنون مكانك مستشفى المجانين.... بس
الى زيك يفكر ويخطط مش مجنون لاء دا شيطان ايوة انت
شيطان الأنس منك لله يا شيخ خربت البيت وفرقت العيال
عن أبوهم ..أطلع برا ومشوفش وشك هنا تانى ولو
فكرت تكلمنى ولا تتعرضلى هتشوف انا هعمل فيك ايه
-طيب بصى خلاص خلاص انسى كل الى قولتهولك
وافتكرى حاجة واحدة بس انى بحبك ومقدرش اعيش من
غيرك

-تعيش ولا تموت بقولك اطلع برا احسنلك بدل ما
صوتى يعلى والم عليك الناس

دفعته لخارج المنزل وأغلقت الباب بوجهه وجلست على
الأرض تبكى ذلك هو الصديق المخلص لزوجها وكان علي
دائماً يعامله كأخ وليس صديق فقط ومع ذلك خانه ونظر
لزوجته وخرب حياتهم وحياة أطفالهم وأخذت تسأل نفسها
كيف يوجد بشر هكذا يفسدون حياة الآخرين من أجل
أنفسهم وأهوائهم الشخصية دون اعتبار لأى شىء اخر كيف
يخون تلك الثقة بسهولة وبدون تردد أعماه شيطانه بل هو

الشیطان بذاته لم یکن هذا حباً بل كان جنوناً، حب امتلاك فقط محاولة لارضاء النفس، كانت أمل فی حالة یرثی لها تجلس فی غرفتها بظلاماً دامس تبکی لیس لها أحداً تخبره ما یجرى حتی أن جمیلة بعد أن سافرت لم تعرف عنها شیء، ثم قررت للمرة الثانية أن تدفن ضعفها وتعبها بداخلها وتستقوی أو بمعنی أفضل تدعی القوة ولم تستطع أن تلقی اللوم علی شیطان الأنس هذا وحده لولا أن استمع علی لكلامه وجعل للشیطان مدخلاً لما كانت انهارت علاقتهم، فقررت جعل حیاتها لأطفالها فقط فأصبحت بین تربیتهم وعملها ودفنت مشاعرها بداخلها .

-وهی دی حکایتی وانت عارف الی حصل بعد کدا
لحد ما قابلتک

-وفضلتی شایلة فی قلبک کل دا وساکتة طول السنین
الی فاتت دی

-ماکنش بأیدی کان نفسی أتکلم علی الاقل عشان ارتاح
بس محدش کان جنبی وقتها وکان لازم مضغفش عشان عیالی
-انتی عارفة إیمانک وإصرارک أن عیالک یعیشوا عیشة
کریمة هو الی خلاکی تکنونی قویة کدا

-الحمد لله

-بجد انا فخور بيكي أوى ومبسوط انى عرفتك

-ربنا يكرمك انا مبسوطة اكثر

-بس عندي سؤال لو تسمحيلي

-أفضل طبعاً

-بما أنك حكتيلي كل حاجة عندك وكل الى حصل
وضايقتك خلاص كدا مش هشوفك تانى

-لا ازاي هاجى طبعاً كل يوم فى ميعادنا حتى لو مش
هنحكى فى حاجة ناخد قهوتنا سوا وبعدين انت محكتيليش
حاجة خالص عن نفسك وغير كدا انا عايضة أعرف
سلمى عليك دا لو تسمحلى طبعاً

-مش محتاجة استأذان انا نفسى بقيت متشوق جداً
إنى أشوفها

-طيب حلو المرة الجاية هجبها معايا

-اخيراً رجعت من السفر وبكلمك وانت واقف قدامى
مش مصدقة نفسى ومبسوطة أوى

-رجعت عشان اشوفك كنت بعد الأيام والساعات عشان
أقابلك أستنى هوريكى حاجة .. شوفي

-ايه دا دى صورتى

-ديما كنت شايلها معايا أول ما احس إنى مضايق
ابصلها انسى كل حاجة مضايقانى

-انا كمان لما كنت احس انى مخنوقة أتفرج على صورتك
واصبر نفسى بأنك راجع بس انت اتأخرت اوى يا كريم
-بعد ما خلصت دراسة قررت أنى اشتغل هناك وأكون
نفسى عشان أول ما ارجع نتجوز

فأخضت عينها فى خجل فأكمل حديثه:

-وعلى فكرة انا كنت قايل لسلمى الكلام دا بس قولتلها
متقولكيش وأن انا الى هقولك بنفسى لما ارجع عشان اشوف
فى عينك الفرحة الى شايفها دلوقتى

-مكتتش أعرف انى غالية عندك كدا

-غالية عندى دى كلمة قليلة أوى بالنسبة للى حاسه
تجاهك يا هند

-ديما بتغلبنى بكلامك الحلو دا

-أستنى بس نتيجتك تطلع وانا هكلم مامتك على طول
مش هستنى دقيقة كمان
-أحم أحم نحن هنا
-سلمى تعالى عايزين نقولك حاجة
-قولوا بس الأول حاجة تفرح
او مات هند برأسها
-انا قررت انى اخطب هند بعد نتيجة الثانوية ماتطلع
-ايه دا بجد مبروووك ربنا يفرحكم ديمًا ويكتبلكم
الخير كله
وقامت سلمى باحتضان هند بشدة
-انا لو عليا عايزاكوا تتخطبوا دلوقتى عايزة افرح
بجد بقى بس يلا هانت هى ماما لسة ماجتش ولا ايه
-لا لسة
-طيب يلا ادخلوا بقى كفاية واقفة برا
-لا انا همشى الوقت اتأخر وعندى كام مشوار هعمله يلا
سلام .

دخلت سلمى وهند الى المنزل ووجههما يملأه الفرح وتشعر
هند وكأنها تحلم لا تصدق ما سمعته من دقائق وتتمنى لو أن
نتيجتها تظهر الان ومسكت يد سلمى وظلت تدور بها معبرة
عن فرحتها التى لا تستطيع وصفها

-مش مصدقة يا سلمى مش مصدقة أنهاردة احلى يوم
فى عمرى استنيتته كثير واخيراً بقى

ضحكت سلمى بشدة على جنون هند من فرحها:

-ايوا اخيراً يا هند بعد فترة مخلينى فيها مرسال يا استاذة
انتى وهو بس كله يهون قصاد الفرحة الى شيفها فى عنيكى
دلوقتى بس إيه الخطوة الجاية بقى يعنى هنعمل ايه مع ماما
-هنعمل ايه فى ايه مش كريم قال بعد النتيجة هيقولها

-لا ما احنا لازم نعرفها فى الأول وبعد كدا هو يجى
يتقدم مش هنفجأها يعنى

-صحيح طيب نعمل ايه ؟ بصى يا سلمى صراحة انا
هتكسف اقول لماما قوليلها انتى

-خلاص انا هقولها ولو سألتنى هند مقالتيش ليه هقولها
مكسوفة

-ماشى... انا بحبك أوى يا سلمى ربنا يخليكى ليا

وبعد ان أنهت أمل حديثها مع خالد عادت إلى المنزل
وكالعادة دخلت غرفتها لتبدل ملابسها أثناء تحضير
البنات للعشاء وعندما كانوا يتناولوا الطعام كانت هند
جالسة توزع ابتسامات ولا يفهم أحد ما بها إلا سلمى
التي تضحك كلما تراها تفعل ذلك إلى أن لاحظت أمل :
- مالك يا هند فيكى حاجة ولا ايه أوعى تكون النتيجة
طلعت

-يارب تطلع يارب ..اقصد يعنى لا مطلعتش مفيش
حاجة ياماما

-انتى اتجنتى يا بنتى ولا ايه !

-لا يا ماما انا كويسة باكل أهه

-ربنا يهديكى

وبعد أن أنهى الطعام جاء تليفون لسلمى من أحد
صديقاتها شغلها عن الحديث فى موضوع هند ولكن هند لم
تسكت :

-احنا شعبنا وشيلنا الاكل أهه يا سلمى

-بتكلم صاحبته يا بنتى وبعدين هى كلت خلاص

-ما انا عارفة يا ماما بس انا بقولها يعنى

- انتى فيكى حاجة مش مضبوطة أنهاردة مالك انتى تعبانة
- لا يا ماما انا زىي القرد أهه هدخل أوضتى شوية هاللا يا سلمى انا داخله
- فتحدث زين:
- بتتك مالها يا ماما هي اتجننت
- بس يا ولد عيب تقول على اختك الكبيرة كدا ...
- بس هي شكلها كدا فعلا
- طيب هتسيبها تدخل من غير ما تعرفي مالها
- مالکش دعوى انت روح ذاكر يلا وأسكت
- ماشى هروح بس طلب بقى يا ماما عشان خاطرى
- قول
- لو عرفتى مالها قوليلي
- امشى يا واد من قدامى بدل ما أضربك
- فتركهم زين وذهب إلى غرفته، أنهت سلمى حديثها
وهند تقف وراء باب غرفتها لتذكرها أن تخبر أمل وظلت
هند تؤشر لها بيدها وتهمس :
- يلا يا سلمى قولى لماما

- وسلمى توما برأسها فرأتهم أمل:
- لا كدا فى حاجة بقى هند وعارفة أنها مجنونة من زمان
وانتى بقى يلا قوللى فى ايه دلوقتى
- طيب تعالى نقعد فى الأوضة بتاعتك شوية وزين يلعب
كدا عشان ميحيش ورانا
- يلا أما أشوف آخرتها معاكوا ربنا يستر وميكونش فى
مصيبة
- لا مصيبة ايه يا ماما بعد الشر خير خير متقلقيش
دخلوا وأغلقت سلمى الباب خلفهم:
- أدينا لوحدنا قولى بقى
- حاضر بصى بقى يا ماما هند جايلها عريس بس هو
مستنى نتيجتها تطلع عشان يحى يتقدم
- بس هند صغيرة
- ولا صغيرة ولا حاجة ماهى عروسة أهه
- بس انتى الكبيرة ولازم انتى الى تتجوزى الأول
- يا ماما يا حبيبى دا كان زمان دلوقتى مفيش الكلام دا
- لا يا سلمى فى وهتسمعى كلام يضايقك كثير أوى

- وانتى عارفة انا مبهمينش حد ولو حاجة هتهمنى
فهتبقى فرحة اختى
- انا خايفة عليكى مش أكثر
- متخفيش يا حبيبتى انتى وافقى بس وسبيها على الله
- ونعمة بالله بس مقولتليش مين العريس
- كريم
- كريم مين اوعى يكون كريم بتاعنا
- ايوة هو
- يعنى انا كنت متأرطسة
- لا والله يا ماما ما عاش ولا كان هما مكنوش بيتكلموا
أصلاً وهو أول ما رجع من السفر أهه هيتقدم
- أه يعنى انتى كمان كنتى عارفة وانا آخر من يعلم بقى
- يا ست الكل انتى أهم من يعلم وبعدين لازم كانوا
يظبطوا أحوالهم عشان ميطلعوش عيال قدامك
- ماشى ياختى كلتى بعقلى انتى حلاوة كدا
- أبدأ والله اسمع موافقة بقى عشان كلنا نفرح

-طيب بس هى مقالتيليش بنفسها ليه

-أصلها مكسوفة

-هند ومكسوفة مش مصدقة ما علينا ربنا يسهل

-يعنى موافقة

-هقول ايه موافقة وأمرى الله

فإذا بهند تفتح الباب وتدخل مسرعة تضم أمل وسلمى
فخبطتها أمل على كتفها:

-كتنى بتلمعى أوكر يا جزمة

-الله يا ماما بقى مش بطن على مستقبل

فضحكت أمل وأعادتها لحضنها وبالفعل بعد ظهور نتيجة
هند ونجاحها جاء كريم هو وعمه وزوجة عمه لطلب يدها
من أمل لأن والديه قد ماتا وبالفعل وافقت أمل وبدأ التجهيز
لفرحة جديدة فى منزلهم تولت سلمى التجهيز لخطبة هند
وخاصة أنها سوف تقام فى حديقة المنزل وفى أثناء التجهيزات
تذكرت أمل كيف أشترت هذا المنزل هى وعلي وكيف قاموا
بزرع تلك الحديقة وأنهم اختاروا الدور الأول حتى يستطيعوا
عمل مكان رومانسى يجمعهم وقاموا بزرع ورود مختلفة وكيف
كان يرعاها الأثنان معاً بمحبة أجهدت سلمى فى التجهيز
لتلك الخطبة وكأنها خطبتها بل أكثر عملت كل ما فى وسعها

لتجعل تلك الليلة لا تنسى، جاء اليوم المنتظر واستيقظت أمل
مبكراً وأتجهت إلى غرفة سلمى وهند وطرقت الباب ودخلت
تغنى وتزغرد فأستيقظت الفتاتان وعلت الموسيقى وبدأ اليوم
كما لم يعيشوا من قبل

- يلا يا هند الوقت بيجرى عشان تلحقى تروحي الكوافير

- أياه دا انتى مش جاية معايا ؟

- لا ماما هتروح معاكى وانا هاجى وراكوا فى شوية
حاجات هخلصها الأول

- ايه دا وانا يا سلمى هقعده لوحدى

- لا يا زين كريم هياخدك معاه

- ازاي يا بنتى دا فرحه كدا هيضايق

- متقلقيش يا ماما هو اللى كلمنى وقالى أنه هيعدى ياخذ

زين

- يلا عشان نفطر بقى وقبل ما تمشى يا هند بصي ع الجنيينة

وشوفي كدا لونا قص حاجة

- مع أنى متأكدة ان مفيش حاجة هتكون ناقصة بس

حاضر

بعد إنتهاء الفطار ذهبت هند لتلقى نظرة على الحديقة
كما طلبت منها سلمى

-ايه دا دى حلوة اوى مكتتش أعرف انها هتطلع بالجمال دا
ربنا يخليكى ليا يا أحلى سلمى فى الدنيا

-ويخليكى ليا يارب

وقاموا بإحتضان بعضهن البعض ذهبت أمل وهند إلى
الكوافير ومر كريم وأخذ زين وظلت سلمى تنجز بعض
الأشياء فى المنزل واتصلت بمحل الحلويات التى أتفقت
معه مسبقاً لإرسال علب الجاتوه والتورته اللازمة للحفل
وبعد أن أنتهت من كل ذلك بدأت تجهز لتلحق بأمها
وأختها وهى تنتظر الأشياء المطلوبة لتصل وبالفعل رن
جرس الباب وخرجت لتستلم ماطلبته لكنها لم تجد عامل
التوصيل إنما وجدت شخص آخر لم تتوقعه

-بابا!

-ازيك يا سلمى

-بخير الحمد لله وانت

-الحمد لله

-طب كويس خير فى حاجة

- لم تنس سلمى الألم الذى سببه لها من قبل وبمجيئه
أعاد فتح الجرح من جديد
- هنفضل نتكلم على الباب مش هتخلينى أدخل
- لاء ازاي أتفضل
- يااه البيت لسة زى ما هو
- مش أوىالمهم خير كنت عايز حاجة
- عرفت ان خطوبة هند انهاردة ومحدث فكر يقولى
- هو فى ميت بيتعزم
- ميت !
- مش دا كان طلبك وانا نفذت
- قولتلك كلمة فى وقت غضب وانتى نفذتى بسرعة
- وبعد ما هديت مرجعتش فيه ليه
- عشان كان المفروض انتى الى كنتى ترجعى تكلمينى
- انا أبوكى
- الأبوة مش بالأسم وانت الى بعدت عننا بإرادتك
- وأدينى جيت

-متأخر أوى خلاص مبقيناش محتاجين وجودك أتعودنا
على الغياب وزى ما أحترمت رغبتك زمان ياريت تحترم
رغبتى دلوقتى

-ورغبت أخواتك

-هند رأيها من رأى وزين ميعرفش أنك عايش
أصلا وياريت ميعرفش عشان لو عرف هبقى مجبورة أنى
أحكيه وهيكركه وأعتقد انت مش عايز دا

-سلمى انتى عمرك ما كنتى قاسية كدا اتعلمتى القسوة
دى مين؟

-منك...ايوا اتعلمتها منك متستغربش الى عملته
زمان علمنى معنى القسوة

فقاطعهم جرس الباب

-مين؟

-انا يا سلمى زين

تفاجأت سلمى من تلك الصدفة وذلك التوقيت السيئ
وطلبت من علي أن يدخل غرفتها ولا يظهر حتى يخرج زين
وفتحت هى الباب:

-ايه يا زين فى حاجة

- اه نسيت الكرفة بتاعتي وبعدين انتى اتأخرتى كدا
ليه اوعى عشان أعدى أجبها

- طب أستنى أجبهالك انا

- أو عى يا سلمى كدا انا هجبها انتى مش عارفة هى فين
دخل زين إلى غرفته ليحضر الكرفة والشيكولاتة التى
كان يخبئها

- قال مش عايزانى ادخل قال أمال مين هياكلك يا حلوة
أنتى

- يلا يازين

- حاضر جاى أهه

فصدر صوتاً من ناحية الباب:

- لو سمحتى

- نعم!

- أنا احمد صاحب كريم كنت بوصل زين وهو اتأخر

- أه ثوانى خارج... يلا يازين

- جيت أهه

وقف علي خلف باب الغرفة يتابع زين ويرى ملاحه التى
لا يتذكرها وعيناه تملؤها الدموع وسلمى متوترة تخشى أن
يظهر فجأة ويفسد كل شئ

-كل دا يا زين يلا عشان عمو مستنيك بقاله كثير

-عمو مين قصدك أحمد

-يلا يازين مش وقته أمشى

وما أن خرج زين أغلقت الباب بسرعة لم تنتظر حتى أن
يتحركوا من مكانهم أخرج أحمد من تصرف سلمى وردد
فى نفسه:

-ايه قلة الزوق دى يعنى بوصل أخوها وكم ان تقفل
الباب فى وشى يا عينى عليك يا كريم شكلك أدبت أما
اختها كشرية وقليلة الذوق كدا اما البت أزاى

أنطلق زين وأحمد إلى منزل كريم وما إن تأكدت سلمى
أنهم غادروا دخلت مسرعة لتجعل علي يغادر فوجدته يقف
أمام حائط بالغرفة معلق به صور لأمل ولأطفالها ظل يتأملها
ويبتسم والدمعة فى عينيه فهو الآن يرى لحظات من عمرهم لم
يعيشها معهم حتى الآن فى هذه المناسبة المهمة التى بات يعرف
عنها لا يستطيع أن يحضرها

-لو سمحت لازم تمشى دلوقتى قبل ما حد تانى يجي

-سلمى يمكن انا قسيت عليكى زمان

-قسيت كلمة قليلة أوى على اللى عملته

-انا عارف بس انا بطلب منك تسمحينى دلوقتى وتخلينى
احضر فرح هند

-وانا مش عايزة يوم زى دا يبوظ بسبب اى حد

-انا مهما عملت ابوكى ودا مش هتقدرى تغيريه وهى
كمان بنتى ودى مش خطوبتك دى خطوبتها وهى اللى
تقرر مين يحضر ومين ميحضرش

-شوفت مش بتقدر تثبت على الحنية دقيقتين وعلى
العموم بنتك مش هنا عشان تقولها ولا تقولك ولو جيت
وقت الخطوبة هتحصل مشكلة وبدل ما تبقى سبب
فرحتها هتكون سبب حزنها كالعادة يعنى فشوف اللى
انت عايزه وأعمله ودلوقتى بعد أذنك انا لازم أمشى

-انا مش مصدق أن انتى سلمى

-زى ما انا زمان مكنتش مصدقة ان انت ابويا

وتركته وخرجت الى الصلاة فتبعها :

-مش قادرة تسامحينى ؟

-وانت...قادر تسامح نفسك

سمعت الباب وهو يغلق فتركت دموعها تفيض وصوتها
يعلو في البكاء وكأنها تصرخ.. لإخراج ألم حملته بقلبها لسنين
-انا صح أيوة كان لازم اعمل كدا مش هسيب فرحة
اختي تبوظ لو حتى عشان مين مش سهل عليا أشوفه
مضايق بس هو الى أختار زمان ودا تمن أختياره نسي
كل الى عمله في لحظة وكان فاكر ان اول ما هايجي هنقابله
بالأحضان

كادت سلمى ان تنهار ولكنها ظلت تشجع نفسها:

-لا متضعفيش دلوقتى قدامك حاجات كثير لازم
تعملها متخليش الماضى يآثر عليكى وخصوصا دلوقتى
انتى اقوى من كدا

وبالفعل استطاعت ذلك بعد أن جعلت أمام عينيها
أمها وأختها وأخاها وفرحتهم فتمالكت نفسها واستلمت
ما كانت فى انتظاره وأزالت أثر البكاء وغادرت المنزل
متجهة إلى مكان أمل وهند وما أن حل الليل لم يعرف أياً
منهن هى العروس فقد تألق الثلاث حتى إن أمل لم تظهر
كوالدتهم فكان كل من رآها أعتقد أنها أختهم أستقبلت سلمى
المعازيم فى المنزل حتى وصل العرسان ظهر على وجه هند

وكريم فرحة لم تظهر من قبل وكان الجميع يضحك في فرح
وكانت سلمى تشرد بين لحظة وأخرى حتى لاحظتها أمل:

-مالك يا سلمى

-لا أبداً يا ماما مفيش

-أمال سرحانة في أيه؟

لم يخطر على بال أمل ظهور علي في حياتهم مرة أخرى
وأعتقدت أن سلمى حزينة لأنها وحيدة ولم تتزوج وهى
الأكبر سنّاً

-لا أبداً يا ماما بس بفكر ناقص أيه وهعمل أيه تانى

-بس كدا؟

-أه صديقنى هيكون في ايه يعنى

وبدأت سلمى تختلط بالموجودين وتضحك وتتحدث
حتى لا تعود للتفكير مرة أخرى حتى جاءها زين

-سلمى عايزك ثوانى

-في حاجة ولا ايه

-اه كنت عايز أقولك حاجة

-طيب تعالى

وذهباً إلى غرفتهم وشعرت سلمى بقبضة في قلبها خوفاً
من أن يكون زين سمع شيئاً أو أن علي ذهب إليه

-ها يا زين في أية احكيلى

-الصباح لما جيت أنا وأحمد كنتى بتتعاملى بأسلوب غريب
وهو أضييق جداً عشان انتى قفلتى الباب فى وشنا انتى كان
مالك

-بس كدا

-اه

-انا اسفة يا أستاذ زين أنا كنت مستعجلة بس ومقصدتش

-أسفة على أية انا بطمن عليكى بس

وفجأة شعرت سلمى أن زين اصبح أكبر من ذى قبل
ويشعر بها فضمته بشدة لأنها كانت تحتاج هذه الضمة اكثر
منه لتشعر بالأمان فدخلت أمل عليهم:

-الله الله سايينا برا وقاعدين تجبوا فى بعض وانا طيب

محدث هيحضنى

فأبتسمت سلمى وزين وضم الثلاثة بعضهم وكل واحد
يحمل ما يحمله فى قلبه وخرجوا مرة أخرى ليكونوا بجانب

هند وأثناء وقوف سلمى فى زاوية تنظر للفرحة على وجه
أحبائها وجدت يد تربت على كتفها فألتفتت:

-خالتى ..عايزة حاجة ؟

-لاء يا حبيبتى انتى صعبانة عليا بس

-ميصعبش عليكى غالى وصعبانة عليكى ليه بقى ؟

-أكمنك انتى الكبيرة واختك الصغيرة هى اللى بتتخطب
وشكلك حزين يا قلب أمك

-ومين اللى قالك انى مضايقة بالعكس انا مبسوفة
ومبسوفة اوى كمان بس انتى اللى مش واخدة بالك

-متحاوليش تحبى انا مش عدوتك وبعدين خالك عنده
ولاد مش عارفة مش راضى يجوزك لحد فيهم ليه والله انا لو
عندى ولاد كنت مسبتكيش

-ولاد خالى مين اللى أبصلهم وبعدين مين قالك انى كنت
هوافق لو عندك ولاد

-بص البت وانا بحاول أجبر بخاطرك تصدقى انا غلطانة
أتفلقى

ابتعدت هدى وهى تستشيط غضباً من رد سلمى ولم تمر
لحظات ووجدت سلمى آدم يدخل فشعرت بصدمة وذهبت
إليه بسرعة

- انت ايه اللى جابك هنا ؟

- انا معزوم

- ومين اللى عزمك ان شاء الله

- انتى

- انت هتهزر !

- لا انا مش بهزر انتى اللى بعطيل الدعوة

- انا مبعتش حاجة وعلى العموم تقدر تمشى

- مش بمزاجك على فكرة شوية تعالى وشوية امشى

لاحظ كريم إختفاء سلمى فأرسل أحمد ليجث عنها
ويجعلها تسرع لأنه يريد أن يلبس هند الشبكة دخل أحمد
فوجد سلمى صوتها غاضب :

- بقولك أمشى من هنا يا آدم

- سلمى

- أيوة... فى حاجة

- كريم عايز يلبس الشبكة....هو في حاجة
-لا خالص انا جاية
-ومين دا كمان ؟
قالتها آدم
-ملكش دعوى وياريت تمشى من غير مشاكل
ألتفتت سلمى لتغادر مع أحمد فإذا بآدم يمسك يدها
ليوقفها:
-متسيينيش وتمشى وانا بكلمك
-ايه دا انت ازاي تمسكها كدا اوعى ايدك
-وانت مين ان شاء الله ؟ انا اعمل الى انا عايزه
-انتوا الاتنين اسكتوا وانت يا احمد لو سمحت ادخل
وانا جاية وراك
-مش هينفع أسيبك لوحدك
-وانت مالك بيا اصلا انا مش محتاجة حد
فتركها أحمد وغادر وعيناه يملؤها الغضب:
-انا الى غلطان بدخل في حاجة ماليش فيها ليه لولا

انها بنت لا وکمان اخت خطيبة اعز اصحابى کان هيقالى
تصرف تانى

-مالك يا احمد

-کريم لا مفيش حاجة

-أمال فين سلمى؟

-عندك جوا انا بجد مش عارف انت مستحملها ازاي
متزعلش منى يعنى بس هى قليلة الزوق اوى

-انت بتتكلم عن سلمى !

-أه

-بس سلمى عمرها ما كانت قليلة الزوق تلاقيها
متوترة بس هى فين دلوقتى

-واقفة برا مع واحد أسمه آدم

-بتقول آدم!

-اه مالك اتخضيت كدا ليه

-وازاي تسيبها اوعى يا أحمد اوعى

ذهب كريم مسرعاً فوجد آدم قد غادر وسلمى عائدة

- أدم كان يعمل ايه هنا
-معرفش بيقول ان حد عزمه بس خليته يمشى
-طب انتى كويسة
-اه كويسة متقلقش يلا عشان تلبس الشبكة ولا رجعت
فى كلامك
-رجعت فى كلامى ايه بس دا انا ما صدقت
أقترب كريم من هند وبدأ يلبسها الشبكة والفرحة
على وجهها لا تقدر بثمان
-وعدتك ووفيت وقريب اوى ان شاء الله هتكون الدبلة
فى الشمال
فأبتسمت هند بخجل شديد وخفضت نظرها إلى الأرض
-مبسوطة ؟
-أأوى وانت ؟
-يا بنتى انا مش على الارض اصلا انا طائر من الفرح
أرتفعت أصوات الزغاريد والأغاني والضحكات أنتهزت
سلمى فرصة إنشغال الجميع وذهبت إلى أحمد لتعذر منه:
-أحمد مش كدا

- ان شاء الله عملت حاجة جديدة جاية ترعقيلي عليها
- لا انا جاية اعتذرلك عن اللى عملته انهارده بجد
انا اسفة جدا بس انت اللى بتظهر فى أوقات بكون فيها
متعصبه ومستعجلة
- لا ولا يهملك
- بجد يعنى مش زعلان ؟
- لو وعدتيني انك هتعامليني احسن من كدا مش
هكون زعلان
- لا متقلقش اوعدك
- خلاص أتفقنا وانا مش زعلان
- طب كويس بعد أذنك بقى
- ذهبت سلمى إلى أختها وتركت أحمد يحدث نفسه:
- ربنا يهدى والجنونة متطلعش عليا تانى
- انتهى اليوم بسلام والجميع يشعر بالسعادة وانتهى معه
إحساس سلمى بالقلق من ظهور علي وتخريب فرحتهم
ولكنها كانت قلقة عليه فكان الألم ظاهر على وجهه ولم تستطع
منع نفسها من ذلك فهي فى آخر الامر ابنته ولن تستطع تغيير

ذلك ولا تغيير مشاعرها نحوه وفي تلك الأثناء كان يسير علي في الطرقات يلوم نفسه على بعده عن أطفاله وهدم صورته في أعينهم ونظر لنفسه فرأى ما وصل إليه الآن رجل مر به العمر سريعاً وفقد أغلى ما في حياته ابنه الصغير سيف من زوجته الأخرى وهو ما كان يجعله صابراً على العيش مع تلك الزوجة والآن لا يستطيع أن يدخل المنزل ويراها، عرف الآن معنى فقدان وألمه فشعر أن هذا عقاباً من الله بعدما تمرد على حياته مع أمل وتركها وأولاده الذي جعلهم يعيشون اليتيم وهو ما زال على قيد الحياة عرف معنى أن يكون الأمان مفقوداً وأن يكون الأحباب غائبين، ظل يجول في الشوارع كجسد بلا روح حتى سقط مغشياً عليه فحمله بعض المارة إلى المشفى وما إن استيقظ في الصباح وجد نفسه في غرفة مستشفى وحيداً أخذ يردد اسم ابنته سلمى وطلب من أحدهم أن يتصل بها وأعطاه نفس الرقم الذي حدثته منه يوماً ما ولم تغيره قط على أمل أن يعاود الاتصال بها، رن جرس هاتف سلمى في الصباح الباكر فوجدت المتصل أحد العاملين بالمشفى يخبرها أن والدها بحاجة إليها وهو مريض لم تفكر كثيراً نهضت بسرعة وتصنعت أن أحد أصدقائها مريض وأخذت الأذن من أمل وذهبت إلى علي وجدته في حالة مزرية ممدد على سرير بمشفى عام ووجهه مهموم ومريض ويده مُعلق بها المحلول، مسحت على رأسه بحنان ففتح عينيه ببطء وقال بصوتاً أنهكه المرض:

-سلمى ..انتى جيتى

-أه انا جنبك أهه ..متقلقش هتكون كويس

فأوما برأسه وبكى:

-انا مكسوف منك ومن نفسى اوى

-متقولش كدا انا مهيا كان بتتك

-وانا ماكنتش أب كويس ليكى ولا لأخواتك ساحونى

-أهدى بس ومتفكرش فى أى حاجة وهتكون كويس وانا
طلبت انهم ينقلوك فى أوضة لوحدةك عشان تكون مستريح

-بس انا مستاهلش انك تكونى جنبى دلوقتى ولا تعملى
عشانى كل دا انا كلمتك بس عشان أعتذرلك وأقولك انى
مش وحش زى ما انتى فاكرة

-قولتلك متتعيش نفسك وتتكلمانا هغيب ساعة
بالكتير هيكونوا نقلوك فى الاوضة الثانية هتأخذ العلاج
وهتلاقينى جيت على طول

أوما برأسه وهو بيتسم ولا يصدق أنها سوف تعود

وقال فى نفسه:

-انا عارف انك مش هتيجى تانى كتر خيرك على مجيتك
ليا وكفاية انك طيبتى خاطرى بكلمتين وانا عارف أنى
مستاهلش

وكانت عيناه تبوح بكل ما فى قلبه، خرجت سلمى وتركته
مرة أخرى وحيداً يلوم نفسه مراراً وتكراراً وبالفعل تم نقله من
الغرفة وأخذ علاجه وخلد إلى نوماً عميق وكأنه لم ينم منذ مدة
طويلة وعندما أستيقظ وجد سلمى بجانبه تقرأ قرآن فأبتسم
أبتسامة عريضة يشعر وكأنه فى حلم لا يريد أن يستيقظ منه

-صباح الخير كل دا نوم

-قاعدة بقالك كتير

-شوية المهم حاسس انك بقيت أحسن

-انا كويس عشان شايفك...بس

-بس إيه ؟

-أمل...قولتلها

-لاء ومش هينفع أقولها حاجة دلوقتى معلش المهم سييك
من كل دا شوف انا جبيلك أياه

-جبيل ؟!

- اه.. هو انا مش عارفة المقاس بالظبط بس ربنا يستر
ويطلع مظبوط

- سلمى انا مستاهلش كل اللى بتعمله معايا دا
- بلاش نتكلم فى حاجة دلوقتى خلىنا نتبسط بالوقت اللى
قاعدينه مع بعض... وبعدين يلا تعالى قيس بقى

سندته ليقف لا يدري هل يتسم ام ييكى يفرح أم يحزن
يجب الحياة أم يتمنى الموت مشاعر متضاربة يشعر بها وهى
الاخرى لم تكن أحسن منه حالاً لا تعرف بماذا تشعر كل ما
تعرفه أنها بحاجة لذلك القرب من والدها وتحتاج أن تشعر
بما تشعر به فى تلك اللحظة قد أخبرها الطبيب أن حالته
النفسية سيئة ويحتاج لرعاية حتى لا تتدهور حالته أكثر،
ظلت معه طوال اليوم جعلته يضحك ويتحرك ويأكل
وأتصلت بأمل لتخبرها أنها سوف تظل مع صديقتها هذه
الليلة

- أيوة يا سلمى انتى فىن يا حبيبتى وصاحبتك عاملة ايه
- الحمد لله أحسن شوية بس كنت عايزة أطلب منك طلب
يا ماما ممكن

- أطلبى يا حبيبتى

-صاحبتي الى انا معاها دلوقتي محدش معاها غيرى
وكنت عايزة أبات معاها عشان مسيهاش لوحدها ممكن
-طيب أجيلك

-لاء يا حبيبتى متتعيش نفسك

-طيب خدى بالك من نفسك هكلمك كل شوية اوعى
تليفونك يتقفل

-حاضر ربنا يخليكى ليا يا أمى يا حبيبتى

لأول مرة تكذب سلمى على أمل وشعرت أمل بذلك
ولكنها ظلت تكذب نفسها فهي لا يجب أن تشك بأبتها فهي
لم تكذب عليها أبداً وفي تلك الأثناء دخلت سلمى لعل:

-أبسط يا حج مش هقعد معاك طول اليوم بس لاء
وهبات معاك كمان

-ازاى وأمل هتسيبك هي عرفت

-اهدى بس انا مقولتلهاش بالظبط بس هي عارفة انى
بايتة فى المستشفى

-بجد يعنى كمان هتفضلى معايا طول الليل دا كتير عليا
اوى يا سلمى

-ولا كثير ولا حاجة انت ابويا ودا حقك عليا

-انا يا بنتى ماليش حقوق عليكوا من ساعت ما
حرمتكم من حقوقكم

-قولنا بلاش كلام فى المواضيع دى دلوقتى ويلا عشان
ناكل بقى

جلست سلمى تطعمه كما كان يجب أن يطعمها شعر
بحنانها الذى ورثته عن والدتها وفى نفسها تسأل عن زوجته
الذى فرقتهم عنه وهم صغار وأبنة الذى اكتفى به أعتقدت
أنه تركهم كما فعل مع أمل فلم تسأل ولم ترد أن تعرف ما
حدث فقط تريد أن تعيش معه تلك اللحظات التى لم تعيشها
من قبل ولن تعوضها فى المستقبل ليس لأنها لن تسامحه بل
لأنه سوف يتركها كعادته ففى يقينها ساحتها بالفعل ولم تذكر
أى شئ مما فعله معها، فالعفو عن الأحبة شجاعة لا يتحلى
بها الكثيرين، رفض عقلها أن يمدّها بأى صورة أو موقف أو
كلمة تعكر صفوها، وعاشت معه تلك الليلة وكأن أحدهم
سوف يموت بعدها لم تفارقهم البسمة وتحسنت حالته من
ليلة واحدة بجانب ابنته تمنى فى وقتها لو يعود به الزمان
لكان تراجع عن كل قراراته الخاطئة وأختار أن يعيش فى هذا
الدفء الذى يشعر به بجانب سلمى

- كفاية كدا بقى لازم تنام عشان الوقت اتأخر وهتتعب
تانى

- خايفة عليا يا سلمى ؟

- طبعاً يا بابا

- ربنا ميحرمنيش منك أبداً يا حبيبتى

فضمها إليه وقبل جبهتها:

- طيب ممكن تخلىنى قاعد معاكى شوية وبعدين هنام
عايز أحكيلك على حاجة

- أنفضل

- أنتى عارفة انا ايه الى تعبنى وجابنى هنا

- ايه

- عشان ربنا عاقبنى على الى عملته معاكوا زمان وخذ
منى الى كان معوضنى عن غيابكم

- مراتك؟

- لا... سيف ابنى شوفته بيكبر قدامى شوفت فيه زين
حلمت احلام جميلة عشانه قلت انه هيكون سندی أما
أكبر بس ملحقش مات قدامى وانا مقدرتش اعمل حاجة

قولتله استنى متعديش انا هاجى اخذك مسمعنش جرى
عليها عربية خبطته وراح منى ياريتنى كنت بداله

كانت سلمى تستمع إليه بذهول وترى دموعه التى
أنسابت دون أن يشعر فألمها قلبها وفاض دمعها على أخيها
وعلى الحال الذى وصل إليه والدها

-بعد الشر عليك دى أمانة ربنا كان سيهالك وأستردها
وانت مؤمن أستعوض ربنا

-ونعم بالله انا عارف انى انانى ومفكرتش غير فى
نفسى ومبصتش قدامى وكأنى كنت أعمى بس بوجودك
جنبى دلوقتى عرفت انا غلط أد ايه ساحونى وانتى
خصوصا سامحيني انا عرفت ايه معنى الوجد الى بنحس
بيه لما نفقد أغلى ما عندنا وانا قسيت عليكى وأتخليت
عن أبوتى بإرادتى فربنا عاقبنى بأنه نزعها منى

ضمته سلمى محاولة تهدئته فتبدلت الأدوار وصارت
هى أمه التى ظل يبكى فى حضنها تحاول التخفيف عنه
ويرمى هو بثقل حمله على أكتافها، نام كالأطفال بعد أن
أفرغ ما بقلبه وتركها هى لحيرتها ماذا تفعل ماذا ستخبر
أمها هل تسامحه وفى الآخر قررت ألا تتخذ أى قرار إلا بعد
ما تتحسن حالته تركته ينام وجلست على كرسي بجانبه

ممسكاً بيدها كأنه يريد أن يتأكد أنه ليس حلم وأنها لن تتركه وتذهب أثناء نومه ظلت على هذا الوضع طوال الليل إلى أن أستيقظ هو وقبلها فضل يتأمل ملامحها كما لم يرها من قبل ويتذكر وهي صغيرة كيف كان لا يستطيع الابتعاد عنها وعندما يعود من عمله تكون أول من يسأل عنه ويظل يلعب معها حتى تنام في حضنه، فشعرت سلمى به واستيقظت:

-صباح الخير

-صباح النور

-صاحي من بدرى؟

-لا بقالى شوية صغيرين

-لسة تعبنا

-بالعكس انا دلوقتى أرتاحت

-طيب الحمد لله

فقاطعهم الطبيب الذى دخل ليفحصه ويطمئن على صحته وخرجت سلمى لتكلم أمل وتطمئنها عليها وبعد أن أنهت المكالمة وأنهى الطبيب فحصه وطمأنها على حالته وأخبرها أنه الآن يستطيع الخروج وطلب منها أن تعتنى به وألا يتعرض

لضغط مرة أخرى وكالعادة تحملت سلمى تلك المسؤولية دون تردد:

-الدكتور قالك أيه يا سلمى

-قالى أنك بقيت زى الفل الحمد لله وتقدر تخرج انهاردة

-هخرج

-ايه مش عايز تخرج

-لاء عايز بس مش عايز اروح البيت

-طيب هتروح فين

-انا كنت جايب شقة تانية عشان سيف لما يكبر هروح
أفعد فيها

لم تستطع سلمى أن تمنع نفسها من الغيرة على الرغم من أن سيف متوفى ولكنها كرهت حب والدها له فكلنا بشر ولا يوجد أحد مثالى ولكن هناك من يتحكم بردود أفعاله وليس مشاعره حاولت سلمى ألا تظهر تلك الغيرة فقالت:

-خلاص وانا هعدى عليك كل يوم اطمن عليك واشوفك
لو محتاج حاجة

- لا يا بنتى متعيش نفسك انا خلاص بقيت كويس
الحمد لله ومتشكر اوى على وقفك جنبى
-متقولش كدا دا واجبى .. إلا بقى لو انت مش عايز
تشوفنى تانى
-والله ابدأ متفهمينش غلط انا يعز عليا تعبك بس
-ولا تعب ولا حاجة

وبالفعل قامت سلمى بإيصاله والاطمئنان عليه وأحضرت
له الطعام وعادت إلى المنزل وهى قلقة من أن تكشفها أمل
كالعادة فمنذ صغرها إذا أرادت أن تخفى عنها شيئاً تكشفها
من عينيها دخلت غرفتها وقالت أنها متعبة وبحاجة إلى
الراحة فسألتها أمل عن صديقتها المريضة أخبرتها أنها بخير
الآن وعادت إلى المنزل ولم تجعل لها مجال لمزيد من الحديث
دخلت إلى غرفتها فوراً لم تسترح أمل لأسلوب سلمى الذى
لم تعتاده شعرت أن هناك شيئاً لم تعرفه وفى اليوم التالى قبل
أن تذهب أمل إلى العمل أخبرت سلمى أن تعود مبكراً من
عملها

-سلمى

-نعم يا ماما

-أستاذنى بدرى أنهاردة من الشغل عشان كريم جاى
يتغدى معانا

-حاضر

وبعد أن غادرت سلمى تذكرت أنها سوف تمر على أبيها
فأصبحت فى حيرة من أمرها وبعد مرور بعض الوقت غيرت
طريقها إلى منزل علي ولم تذهب إلى العمل ومرت على السوق
أشترت بعض الأشياء التى يحتاجها ثم ذهبت إليه وتغمرها
السعادة وكأنها عادت طفلة صغيرة طرقت على باب منزله
ففتح لها بعد مرور بعض الوقت :

-بابا انت كويس اتأخرت وانت بتفتح ليه قلقتنى

-معلش يا حبيبتى مسمعتش الباب ..بس انتى جاية
بدرى فى حاجة ..اقعدى خدى نفسك الاول

-أوعى تكون فطرت

-لا لسة

-طيب حلو اوى جيبالك فطار أنا ايه يستاهل بوقك
عشر دقائق وهيكون جاهز

فوجدته فجأة يرفع صوته وهو يبكى :

-كفاية بقى يا سلمى كفاية ..مش هقدر أستحمل أكثر
من كدا

فتفاجأت وزالت البسمة عن وجهها:

-كفاية أيه يا بابا ؟!

-كل أما تعاملينى كويس كل اما احس بالذنب أكثر وأندم
وأتقهر على كل لحظة كنت بعيد فيها عنكم وانا عارف
ومتأكد أنكوا مش هتقدروا تسامحونى وكل الى بتعمليه دا
عشان صعبان عليكى

عادت سلمى إليه وجلست بجانبه وهى تمسك بيده:

-مش يمكن انا اكون محتاجة دا أكثر منك وبعدين
انت مش صعبان عليا ولا حاجة انا بحاول اعوض
الوقت الى ضاع مننا زمان مش مهم مين كان السبب
المهم أننا دلوقتى مع بعض أب وبتته يحاولوا يعيشوا
طبيعى من غير ما أى حاجة تضايقهم مستكتر عليا أنى
أتبسط وأرجع طفلة من تانى

ضمها لصدره وهو يبكى:

-أنا أسف وشوفى أيه الى يرضيكى انتى واخواتك وانا
أعمله وصدقينى مش هتردد لحظة بس تسامحونى

-أنك تكون كويس وتفضل بخير وتحافظ على صحتك
وكفاية عياط .. انا جعت انت ماجعتش

-طب يلا هساعدك

-يلا بينا

كان كلا منهم يحمل مشاعر متضاربة لا تدري سلمى
كيف ساحتها بتلك السهولة فلم تتوقع ذلك قط كانت
تحمل شعور بالفرحة والارتياح وآخر بالذنب تجاه أمل
التي تجاهلت تضحياتها من أجلهم وغفرت لعللي دون
الرجوع إليها وبماذا سوف تشعر عندما تعلم، وكان علي
يشعر بالراحة وزوال بعضاً من الهم الذي كان يحمله في
قلبه ويفكر إن كانت أمل سوف تسامحه انتهى تحضير
الطعام وجلسوا ليتناولوا الافطار لأول مرة منذ عشر
سنوات تمت سلمى في تلك اللحظة لو ان كل ما عاشته
ليس إلا حلم مزعج وأن عائلتهم الصغيرة تتجمع على
طاولة واحدة قضت سلمى هذا اليوم أيضاً مع علي حتى
لا يجلس وحده فتتطور حالته للأسوء كما قال الطبيب وفي
تلك الأثناء طلبت هند من كريم أن يمر على سلمى في
العمل ويحضرها معه ولكن أحمد عرض عليه عرض آخر

-بص يا كريم انت روح غير وكدا وانا هعدى أجبها
عشان متأخرش على الناس مش لوجك بردوا تروح متأخر
-يا راجل ودا من ايه دا

-مش من حاجة يعنى مش انت صاحبي وانا طول
عمرى صاحب جدع صح ولا لاء
-صح

-خلاص يا معلم بحاول اساعدك يعنى

-أهمم قولتلى طيب مش انت صاحبي

-اه

-حلوهات من الاخر بقى عايز ايه

-بص بصراحة كدا من ساعة الخطوبة متهزقتش ومحدث
بيهزقتى غيرها

ضحك كريم

-خلاص فهمت بس أعمل حسابك دى مش أخت
خطيبتى دى أختى أوعى تضايقها

-يعنى موافق

- ماشى بس لو سألتك عليا قولها انى نسيت حاجة وهرجع
أجيبها عشان ترضى تركب معاك وكلمنى لو مرضيتش
- شكراً يا كريم مش عارف أقولك أيه بصراحة

وذهب أحمد بالفعل إلى مكان عملها لكنه لم يجدها فسأل
أحد زملائها فأخبره أنها لم تحضر إلى العمل اليوم فأستغرب
- ازاي مجتش ما هند كلمت كريم قدامى هتكون فين يعنى
ومش قايلة لحد

خرج أحمد وأتجه إلى منزلها لا يدرى ماذا يخبرهم وما أن
وصل وطرق الباب فتحت له هند:
- هند ازيك

- الحمد لله أتفضل

- لا متشكر بس ممكن تناديلي كريم

فوجد صوت سلمى :

- مين يا هند

وما أن ذكرت هند أسم أحمد ارتبكت سلمى فقد أخبرها
كريم أنه أرسله لإحضارها من العمل عرضت عليه هند

الدخول مرة أخرى فدخل ليتأكد أن سلمى هى من تتحدث
وبالفعل وجدها ظل محققاً بها فتحدث كريم:

-معلش يا أحمد تعبتك على الفاضى

-لا ولا تعب ولا حاجة بس

فقاطعته سلمى:

-لو كان حد قالى أنك هتعدى تاخدنى كنتى أستنيك
ومستأذنتش بدرى

-أه....هما قالولى برضوا أنك مشيتى

-طب أنتفضل يا بنى أقعد

-شكراً يا طنط بس لازم أروح

-قول لصاحبك يا كريم يقعد يتغدى معانا

-خلاص أقعد يا أحمد

جلس وهو تتباه حالة من الدهول وسلمى لا تعرف
ماذا تخبره وماذا يفكر بها الآن؟

-طب أقوم اسألها كانت فىن ولا أعمل أيه ولا أقول
لكريم ولا أسكت مبقتش عارف أعمل أيه بالظبط

هكذا كان يتحدث أحمد بداخله وكانت سلمى هى
الأخرى تتمتم

-هو قاعد يبخلق فيا كدا ليه مصيبة ليقول لكريم أعمل
ايه انا دلوقتى طيب اشرحله ازاي دا

قام الجميع لتناول الطعام فى حديقة المنزل وأخيراً انتهى
اليوم ولم يستطع الأثنان فعل شئ وأثناء العودة طلب أحمد
من كريم أن يعطيه رقم سلمى تردد كريم فى بدء الأمر ثم
شعر إن أحمد يتحدث بجدية وانه لا ينوى مضايقتها وبالفعل
أعطاه الرقم وما إن عاد أحمد لمنزله اتصل بها:

-سلمى أزيك انا أحمد صاحب كريم

-الحمد لله شكراً

-على أيه ؟

-أنك مقولتش انى كنت غايبة أنهاردة من الشغل

-طيب انا ممكن أعرف انتى كتتى مخبية أنك مروحتيش
الشغل ليه وكتتى فين

-أنت صحيح كنت جدع معايا بس دا مش معناه انى

أقولك على خصوصياتى

- لا انا من حقى أنى اعرف

- من حقك؟

- أقصد يعنى انا متكلمتش وبكدا اكون متحمل مسئولية
سكوتى فلازم اتأكد أنك بخير

- أمم

- صدقيني مش هتكلم مع أى حد فى أى حاجة

- طيب بس

- متفكريش كتير أعتبرى انك بتكلمى مع نفسك

- تمام بس أصل الموضوع طويل

- طيب عندى فكرة لو تسمحى انى أشوفك بكرة فى
أى حته وتحكىلى

- ماشى

- خلاص هعدى عليكى بكرة بعد الشغل

جلست سلمى تفكر إذا كان ما تفعله صحيح أم لا هل
تخبره الحقيقة ام لا تذهب لمقابلاته فى الأساس؟

جاء اليوم التالى ومر أحمد لأخذها من العمل ووجدها
فى إنتظاره

-ازيك

-الحمد لله وانت

-الحمد لله

ساد الصمت بعدها لم يعرف اياً منهما كيف يبدأ الحديث
إلى أن وصلاً إلى مكان يجلسا فيه:

-بص بأختصار كذا كان عندي مشوار ضروري كان لازم
أخلصه ومكنش ينفع أقول لحد عليه

-بس احنا أتفقنا أنك هتقوليلي

-طيب انا كنت عند بابا وماما متعرفش ولا كريم
ومحدث فيهم لازم يعرف

-طيب ليه لازم ميعرفوش

-دا موضوع يطول شرحه وانا مش عايزة أتكلم فيه

-متأكدة ان دا الموضوع

-انا شكلي مكنش لازم أجى

-أستنى بس انا يهمنى أطمئن عليكى مش أكثر وعشان
دماغك متروحش بعيد انا واثق فيكى جدا

-طيب مش فاهمة أيه المشكلة دلوقتى

-عايز أفهم

-ما انا فهمتك

-طيب ممكن اعرف روحيله ليه

وفى تلك اللحظة رن جرس الهاتف علي يتصل بها :

-الحقيني يا سلمى مش قادر أخذ نفسى

-بابا مالك الو بابا

قالتها سلمى بفرع

-فى أيه ؟

-تعالى وصلنى بسرعة

وجرى الأثنان إلى السيارة وما إن وصلت ظلت تدق

الجرس ولكن كان علي لا يجيب عليها:

-أكسر الباب

-أيه

-بقولك أكسر الباب

كسر أحمد الباب وما أن دخلت سلمى وجدت علي

ملقى على الأرض فحمله أحمد وأنطلقوا إلى المشفى فى

حين أن سلمى كانت تبكى أخبرها الطبيب أن ضغطه كان
منخفض فهو لم يأكل شيئاً منذ مدة

- انا السبب انا الى مسألته عليه من إمبراح

- أهدي بس هو كويس متقلقيش

دخلت سلمى الغرفة التى بها علي أول ما رآها أبتسم
ومسح دموعها:

- متخافيش انا كويس

- كدا يا بابا مش وعدتني هتاخذ بالك من نفسك

- معلش أنا اسف يا حبيبتى

- المهم انك بخير يلا عشان نروح

نظر علي إلى أحمد ثم إلى سلمى فأرتبك أحمد وكذلك سلمى

- دا أحمد يا بابا الى ساعدنى فى دخول الشقة وجابنا هنا

- أيوة مين يعنى ؟

- هو صاحب كريم خطيب هند

- يلا بقى عشان ترتاح فى البيت

ساعد أحمد علي في النهوض وأوصلهم إلى المنزل وظل
معهم حتى أطمئن عليه ثم رحل هو وسلمى

-معلش يا أحمد تعبتك معايا

-ولا تعب ولا حاجة ..بس عايز أسألك سؤال ممكن ؟

-أفضل

-هو ليه مينفعش تقولى لمامتك وتفضلوا جنبه وأيه
الى وصله للحالة دى

-عشان حصلت حاجات كتير أوى دمرت علاقتنا
ببعض يمكن انا قدرت أسامحه صحيح مش اوى بس
قدرت لكن معتقدش ان ماما واخواتى هيقدرؤا

-ليه عمل أيه يعنى ؟

قصت سلمى على أحمد كل شئ من يوم فراق علي لهم
حتى أتصل عليها من المشفى أول مرة ومدى الألم الذى
سببه لهم

-فهمت بس أنتى ازاي قدرتى تتعاملى معاه عادى بسرعة
كدا

-حسيت أن دا الى المفروض أعمله فعملته وزى ما هو
كان محتاجنى انا كنت محتاجاه يمكن أكثر

- انتى طيبة اوى وقلبك أبيض وربنا هيكرمك، طيب
وهتعمل ايه الخطوة الى جاية

- فى آيه ؟

- مع مامتك واخواتك

- مش عارفة حاسة انى تايهه ومش قادرة أفكر

- طيب ما تجربى تحكيلها كل دا

- خايفة

- متخافيش انا جنبك أقصد يعنى بدعمك

- انا متشكرة جدا يا أحمد

- متشكرنيش بس أوعديني أنك لو أحتاجتيني فى اى
حاجة تكلميني

- ان شاء الله

دخلت سلمى إلى المنزل وعلى وجهها يظهر تعب اليوم
بأكمله

- مالك يا سلمى وتأخرتى ليه وتليفونك مقفول ليه

- معلش يا ماما فصل شحن وخذتش بالى أسفة

-طيب كنتى فين لدلوقتى

-خلصت شغل ورحت مشوار هحكيلك عنه بكرة
عشان تعبانة اوى انهاردة وعايضة انام شوية

-طيب مش هتاكلى

-لا ما انا أتغديت مع أحمد...قصدى يعنى مش جعانة
يا ماما

-خدى يا سلمى هنا كنتى مع أحمد مين ؟

-والله يا ماما هحكيلك بكرة كل حاجة بس أرتاح

-ماشى يا سلمى اما اشوف أخرتها معاكى

دخلت سلمى لغرفتها وكاد قلبها أن يتوقف من كثرة
التوتر والخوف من أن تعرف أمل ما حدث ثم أتصلت
لتطمئن على والدها ثم ذهبت فى نوم عميق وفى الصباح
ذهبت مباشرة إلى العمل حتى لا تتواجه مع أمل ولكن لا
مفر سوف يتواجهها يوماً ما مهما تهربت وما إن عادت من
العمل حتى وجدت أمل فى انتظارها

-ها يا سلمى انا ساكتة من امبارح مش ناوية تحكىلى بقى

أقتربت سلمى وجلست بجانب أمل وقصت عليها كل ما
حدث من يوم خطبة هند حتى ذهابها وأحمد إلى المشفى بعلي

وهى تعرف أن الآن سوف تقوم ثورة عارمة فى المنزل، وفجأة
وجدت أمل تبكى

-ماما والله مكنش قصدى أزعلك بس لو كان أى حد
أستنجد بيا كنت هساعده

-انتى مش بس ساعدتیه لا انتى ساحتیه ونسيتى كل حاجة
نسيتى تعبى نسيتى سهري نسيتى مرارى كله

-صدقينى منستش حاجة انتى لو شوفتیه كان صعب
عليكى وربنا عاقبه عقاب مقدرش أتمناه لعدوى

-متحاوليش تبررى يا سلمى خلاص روحى روحى
عيشى معاه وسيينا

-مقدرش يا ماما انتى كل ديتى

-انا مش ديت حد على العموم البيت دا مش هيستحملنا
احنا الاتنين انا هخرج ولما أرجع لو لقيتك همشى انا

-ماما أستنى يا ماما

جلست سلمى على الأرض تبكى لاتدرى ماذا تفعل كيف
لأمل ان تتخلى عنها بتلك البساطة خرجت هند من الغرفة
وأحتضنت سلمى

-أهدى يا سلمى اهدى

نهضت سلمی و مسحت دموعها ثم أخذت تجهز حقيبتها
لترحل حاولت هند منعها:

-سلمی عشان خاطری متمشیش

-وانا مش هقدر أخلى ماما هى اللى تمشى

-ماما قالت كدا عشان مضايقة صدقيني أول ما ترجع
هتكون كويسة

-لما تبقى كويسة هرجع

-وانا مش هخليكى تمشى

-هند عشان خاطرى سييبنى ووطى صوتك عشان زين
ميصحاش

غادرت سلمى المنزل وهى تنهار شعرت أنها فقدت كل
شئ لم تعرف ماذا تفعل فأتصلت على أحمد حتى يوصلها
إلى منزل على وما أن رآها عرف ما حدث

-هتتحل صدقيني متخافيش وهترجعى البيت قريب

لم يجد على كلامه إجابة فهى فى عالم آخر لا تسمع شئ
فقط دموعها تنهمر

-سلمى متقلقنیش عليكى

وفى ذلك الوقت ذهبت أمل إلى خالد فى مكانهم المعتاد
شرحت له ما حدث وهى منهارة تماماً فأخذ يهدئ من
روعها :

-أهدى يا أمل

-أهدى ازاي بتى خلاص سابتنى نسيبنى

-أبدأ أنتى بس عرفتى تبرى هى عملت الى انتى ربتىها
عليه هى لو كانت ساعدت أى حد غريب كتنى هتكونى
فخورة بيها انتى مشكلتك فى الشخص نفسه بس هى
مغلطتش

-بس هى خبت عنى

-عشان خافت تجرحك خافت من اللحظة الى هتتواجهوا
فيها مش هقولك مكنش المفروض تعمل كدا بس هقولك
ارجعى البيت وطيبى خاطرها أنتى عارفة سلمى بتحبك أد
ايه وعمرها ما هتفكر تسيبك او تزعلك

-فكرك

-ايوة انا متأكد من دا صدقيني بس ألحقها قبل ما تمشى
عشان انتى يعتبر طرديها وغير كدا هى عمرها ما هتسمح
لنفسها تكون سبب انك تسيب البيت

-تمشى وتسينى دى روحى انا ممكن أموت

-بعد الشر عنك

-طيب يا خالد انا همشى بسرعة عشان الحقها

خطت إلى الأمام خطوتان ثم عادت:

-شكراً يا خالد

ابتسم لها :

-العفو يلا روحى بسرعة

عادت أمل إلى المنزل:

-سلمى ... سلمى

فوجدت هند تخرج من الغرفة وهى تبكى:

-مشيت يا ماما زى ما طلبتى منها

فشعرت أمل وكأن روحها خرجت من جسدها ودخلت
إلى غرفتها والدموع تتساقط من عينيها دون أن تقول شيئاً،
أوصل أحمد سلمى عند علي وما أن رآها علي عرف أن أمل
علمت بمساعدتها له فضمها إلى صدره وأصبح هو من يعتنى
بها وحاول كثيراً أن يجعلها تتوقف عن البكاء أو أن تنام ولكن
لم يستطع لم تتخيل يوماً أنها سوف تبعد عن والدتها مهما كان

خطأها مريومان ولم تتواصل معها ولم ترها ومرضت سلمى
أثر الحزن وما أن عرف أحمد أخبر أمل التي لم تتردد لحظة
من الذهاب إليها والاطمئنان عليها وطلبت منها أن تعود مرة
أخرى إلى المنزل وتركت حرية الاختيار لأطفالها من يريد أن
يتواصل مع والده فليفعل وبعد أن عادت سلمى إلى المنزل
طلب أحمد يدها وقام بخطبتها وحضر والدها هذه المرة
الخطبة وطلبت أمل من سلمى أن تذهب معها لمقابلة خالد
الذى كان السبب في حل تلك الأمور بينهم وبالفعل وافقت
سلمى ورحبت كثيراً وفي اليوم التالي ذهبت سلمى وأمل
لمقابلة خالد وما أن دخلتا من باب الكافيه وجدته أمل جالساً
كعادته يتسم لها أتجهت اليه هي وسلمى وبدأت تعرفهم إلى
بعضهم البعض:

-سلمى

-ودا خالد يا ستى الى حكيتلك عنه

وقفت سلمى في ذهول تام لم تنطق بكلمة واحدة وتغير
وجهها

-مالك يا بت واقفة كدا ليه ما تسلمى

-أسلم على مين ؟!

-على خالد

- هو فين يا ماما
- ماهو قاعد قدامك أهه انتى أتعميتى ولا أيه
- هو فعلا مفيش حد قاعد غيرنا
- أنتى بتهزرى صح ؟!
- لا والله محدش موجود غيرنا
- يعنى أيه ما انا شيفاه أهه وكل يوم بشوفه وبكلمه -
قوليلى انك بتهزرى عشان خاطرى
- أهدى بس يا ماما
- مش ههدى أستنى انا هثبتلك
- ظلت تسأل الموجودين ما إن كان هناك رجل على
الطاولة والجميع يجيبها بالنفى والبعض الآخر حزن عليها
- استنى دا الجرسون الى كل يوم بيجيلنا القهوة
- مش أنت كل يوم بتجيلنا القهوة على التريزة دى انا
وخالد
- انا فعلا بجيب القهوة بس لحضرتك
- يعنى أيه يعنى انا أتجننت يعنى انا كنت بتخيل انا مش
فاهمة هو ... كان هنا حكته كل حاجة

-أهدى بس يا ماما

-متقوليليش اهدى انا هادية بس ازاي سابني هو كمان
ولا هو مكنش موجود من الاول أه وفي وسط ذهول الجميع
وبكاء سلمى ومحاولتها الفاشلة في تهدئة أمل سقطت أمل
على الأرض مغشياً عليها وما أن أستيقظت وجدت نفسها
في مستشفى للعلاج النفسى .كان ذلك اخر ما حدث مع
أمل وظلت بعد تلك اللحظة في تلك المشفى لمدة ستة اشهر
واليوم كان آخر يوم لى هناك نعم أنا هى كتبت كل ما حدث
لى وما عانيته فى تلك السنين الفائتة وكيف حصلت على حبيب
وهمى فى آخر الأمر ولكن ها أنا الآن شفيت وسأعود لعائلتى
ولكن كم امرأة من بعدى سوف تحل محلى لم يكن حبى لخالد
سبب إنيارى بل كان سبب إستمرارى، فى تلك الحياة لو
لم أجده بداخلى لكنت الآن لست بينكم هو كان السبب فى
جلوسى فى المكان الذى تمنيت أن أجلس به كان سبباً فى ألا
اخسر ابتى كان سبباً فى ألا اخسر نفسى فكيف لى أن أنساه؟!!

فالوحدة قاتلة وكانت هى بدايتى فى الاننيار نمر فى
حياتنا بمراحل (ستاديا) عديدة لا ندرى أيهم ستكون
سبب الدمار

«يا من عشقته فى خيالى سيظل عشقى وان لم تكن»

التواصل مع داركتاب

Email: darkitabone@gmail.com

fasbook: darkitabone

البدج داركتاب

٠١٠٩٧٥٥٣٣٢٨